

胎
產
心
法

胎產心法卷之下

脉訣論

脉經云。產後之脉。寸口洪。疾。不調者死。沉。微。附骨不絕者。生。又曰。沉。小。緩。滑。者吉。實。大。堅。弦。疾。者凶。牢。革。結。代。及。瀉。滯。不調者不治。丹溪曰。胎前脉當洪。數。既產而脉仍洪。數。者死。又曰。胎前脉細。小。產後脉洪。大。者多死。予見產後。多有洪。數。而生者。要知血虛之脉。浮。洪。而數者。居多。產後血虛。故現此脉。若不明以告醫。俗醫多誤認爲外感。虛虛之。

禍在於頃刻。然此洪數之中。自有和滑之象。非如牢疾而少胃氣之謂。故多死也。產經曰。胎前之病。其脉貴實。產後之病。其脉貴虛。胎前則順氣安胎。產後則補虛消瘀。此其要也。大凡孕婦臨產。氣血動盪。胞胎迸裂。與常經離異。必有水先下。俗謂之胞漿。卽養胎之液也。水下則胞裂而產。旣產則氣血兩虛。脉宜緩滑。緩則舒徐。不因氣奪而急。促滑則流利。不因血去而枯澇。均吉兆也。若實大弦牢。非產後氣血兩虛所宜。實則邪實。大爲邪進。弦爲陰飲。宣布不能牢。爲堅着。近乎無胃。皆相逆之脉。故凶。

產後大補須分虛不虛全實三證論

全書云。丹溪曰。產後當大補氣血。卽有雜證。以未治之。此其意。謂血氣隨胎而去。必屬大虛。故無論諸證。當以大補爲先。其他皆可緩也。今產科所宗。無非此法。但產後氣血俱去。誠多虛證。然有虛者。有不虛者。有全實者。當隨證隨人。辨其虛實治療。不得執有誠心。概行大補。以致助邪。此辨之不可不慎也。今予遵生化湯加減兼治之法。未常敢大補。而置諸證於緩治。觀暈厥總論中。塊痛未除。未可據加著朮之語。槩可知矣。又云。產後虛證。無非隨人元氣。必

素弱之人多有之。或於產後血氣既去而更弱者亦有之。此當因人察脉。因脉察證。若脉氣形氣俱不足。此當以全虛治之。若形氣不足。病氣有餘。或兼火邪。或兼外感。或以飲食停滯。是亦虛中有實。不得不詳審而治。今予治全虛者。後立有加參從權生化湯等方。治虛中有實。亦立有隨證加減生化湯等方。隨其虛實以投之。是皆重產而兼治者也。○又云。產後不虛證。或素日無病。或年少當時。或素耐辛苦貧勞之質。此輩本無不足。及其一旦受孕。乃於腹中添入此物。故至氣血壅塞。爲脹。爲嘔。是皆添設有餘之

病。及其既產。始見通快。所畱得去。仍復故吾。常人之產。此類極多。果何虛之有。或因內傷外感。難保必無。倘有所患。去之卽愈。若概行大補。果能堪否。卽臨盆帶去血氣。未免暫見耗損。然以壅滯之餘。不過皆護胎隨從之物。去者當去。生者旋生。不出數日。必已來復。此生化自然之理。何至是產皆虛也。若執云。產後必當大補。則實實之病。必所不免。致輕者甚。甚者危矣。予謂。少壯婦人。產後不虛。只用黑糖水湯。或少加以酒。去瘀可耳。原可不必服藥。卽服生化湯一二劑。亦非大補實實之藥。有益無損者也。倘有內傷。

外感。生化湯。因證加減用之。○又云。產後全實證。如外感風寒。頭痛。身熱。便實。中滿。脉緊實。洪大有力。此表邪之實證也。又火之盛者。必熱渴躁煩。或便結。腹脹。口鼻舌焦黑。酷喜冷飲。眼眵。尿管痛赤。脉見洪滑。此內熱之實證也。又鬱怒動肝。胸脇脹痛。大便秘利。脉弦而滑。此氣逆之實證也。又惡露未盡。瘀血上衝。心腹脹滿。疼痛拒按。大便難而小便利。此血逆之實證也。又凡富貴之家。保護太過。或過用人參。著木。以致氣壅。或過用糖酒。炭火。以致內熱。或產本不虛。而妄用大補之藥。以致增病。此調攝之實證也。又

或因產過食。恐其勞困。固令勉強。以致停蓄不散。此內傷之實證也。此上諸證。姑舉要者。以見其概。然既有表邪。不得不解。既有火邪。不得不清。既有內傷停滯。不得不開通消導也。今予治各證。後開生化湯中。俱有隨證加減。一以重產。一以兼治。所謂道並行而不相悖。可保萬全者矣。

四物湯不宜產後論

凡產後諸病。古方多用四物湯加減何也。以方中有芎歸之辛溫。佐以地芍之寒涼。溫寒適中。可謂無虞矣。不知四物乃女科雜證諸疾妙劑。若用以產後。大非所宜。予考方

書之意。以爲白芍用酒重複製炒。去其酸寒之性。但存生
血活血之能。或再加黑薑辛熱佐之。有何不可。又謂芍藥
性清微酸而收。最宜於陰氣散失之證。豈不爲產後要藥。
但觀其再製以酒炒。則他寒涼峻削之不宜用。槩可知矣。
予思芍藥初產三五日。所當禁用。若產日已久。以酒製透。
爲他藥之佐。猶可。惟四物湯中生地更涼。直走血分。且傷
脾胃。爲害愈甚。或云易以熟地補益正陰。則稱爲至當。獨
不思熟地性滯。更使血滯不快。雖有芎歸反行牽制。而少
行動。亦非新產者所宜。蓋新產之婦。血氣俱虛。但存秋冬

肅殺之氣。而鮮春夏生發之機。故最忌寒涼。大宜溫藥。以助資始資生之源也。是以丹溪先生。謂芍藥伐生發之氣。禁而不用。良有深意矣。予歎世之槩以四物治產後者。胡不思乎。

生化湯論

附方

生化湯論曰。產後諸證。皆緣氣血驟下。元氣大虧。用藥不同常法。是以有虛極不能姑待者。則當峻補之中。加入溫行之藥。峻補則力大。而可宣通。溫行則流暢。而不凝滯。至於逐瘀之劑。卽實證亦不可用。峻厲之藥。況產後大虛。恐

血無主宰。一任藥力。便爲崩而不止。虛則易脫。勢如覆水。難收矣。夫人遇大病之後。血氣兩虛。猶當調補。況產後脾胃血氣之虛衰。更有甚焉者乎。今之治產後者。亦云元氣因產而虧。運行失度。不免瘀血停畱。致成諸疾。必以去瘀爲先。瘀消方可行補。甚有用回生丹。攻血塊。下胞衣。殞人性命者。此蓋止知專攻舊瘀。而不知新血轉傷之害。豈知塊固當消。而新血猶當生也。蓋專消則新血不生。專生則舊血反滯。予考新產諸方。莫若生化湯。爲產後第一妙方。其方芎歸。桃仁。溫中。行血。善去舊血。驟生新血。佐以炙黑

乾薑、炙草。引三味入於肺肝。行中有補化。中有生。故名生化。蓋因功用而立名也。又有加入益母草一錢五分。功效亦同。此實治產之良方。保全產婦之聖藥也。故馮氏因此方之妙。變化用於臨產。加人參、桂、牛膝、紅花。又爲催生之神劑矣。

生化湯方 凡孕婦臨月。卽預脩生化湯數劑。俟臨產之時。卽爲預先煎就。產下。隨服二三道。以逐瘀生新。再無產後諸證之患。無論正產、半產。雖少壯產婦。俱宜服之。故此湯爲產後七日內要藥。倘產

下之時。未及煎服。凡產後諸證。仍以此湯治之。

全當歸

八錢酒洗

川芎

四錢

乾薑

四分炙黑存性

薏仁

十粒去皮尖打碎

炙草

五分

水二鍾煎七分。加酒小半鍾。如素日不能飲酒者。加六七茶匙。稍熱服之。其藥渣畱并後貼藥渣。合而再煎。兩貼共三煎。在產下一二時辰內。未進飲食先。相繼煎服。能速化舊血。而驟長新血。不特可免目前暈厥汗崩惡露停滯等患。且諸病不生。精神百倍矣。如胎前素虛之

人產後又當再製兩貼煎服。以防倦怠。若產下已服一二貼。而塊痛未除。仍當再進幾貼。塊痛自消矣。

調攝論

凡孕婦產畢。血氣未定。不宜睡倒。不宜側坐。須床頭厚鋪褥褥。高倚。仰靠。宜豎膝。不宜伸足。並遮圍四壁。使無孔隙。免致賊風爲害。倘閉目睡倒。或忿怒逆氣。卽令人眩暈也。再用醋塗鼻。房中或用醋炭。更燒以漆品。輕輕以手從心按摩至臍。則惡露盡下。又何血暈血逆之有。常見人產畢。卽飲熱童便一盞。又有三日內。以童便和酒溫服五七次。

予謂酒雖能下惡露。行乳汁。產後臟氣方虛。卽素日善飲者。亦不可多飲。并不可產畢卽飲。蓋恐引血入四肢。或引上行。能令血暈。至於童便。味臊而性涼。如胃氣弱者。得臊氣而嘔惡。裏無火者。得涼性而滯血。且能傷胃氣。均非所宜。不若預煎生化湯。產畢卽服。爲妙。或用紅糖滾水衝化。頻飲。以行其瘀。時食白米薄粥。煮石苜魚甘澹食之。如此調攝。自無事矣。有人先於臨月時。用有毛淡菜十餘箇。紙包吊風處。二十餘日。陰乾。勿令人知。產下卽煎湯一鍾熱服。產後再生病。

生化湯

見本卷生化湯論後

產後禁忌論

凡生產既下。不必問是男是女。恐因言語而泄氣。或以愛憎而勞神。最忌大喜大怒。喜則氣散。或生紅汗。怒則氣逆。或生癥瘕。不可獨宿。恐致虛驚。不可刮舌。恐傷心氣。不可刷齒。恐致血逆。勿勤梳頭。恐頭皮作痛。須氣血平復。方可治事。犯時微若秋毫。成病重如山嶽。

凡初產。其牛、羊、猪、肉、鷄、鵝、鴨、肉。及蛋。併猪蹄、猪腎、菜、豆、涼粉、蕎麥、麪食等類。一切滯氣堅紮難化之物。及生冷、膩滑。

皆不宜食。恐新產脾胃氣虛。難於運化。易致內傷也。

凡產逢暑月。切不可當風睡卧。最忌貪涼。用扇及洗足。澡浴。雖盛暑。不可用冷水洗手足。

凡新產驟虛。最忌着寒。寒則血氣凝滯。諸變冗生。每致飲食不化。腹痛作瀉。此時欲去其瘀。則正氣並脫。欲止其瀉。則瘀結不行。可不慎歟。治法見後泄瀉門。

凡產逢冬月。宜重棉兜護其腹。雖夏月亦當複巾裹之。以免厥陰受寒。

凡產後百日內。不詈罵。少勞碌。禁淫慾。終身無病而且多。

子。若未滿百日。交合。則虛羸百疾。從此而生。必患臍下虛冷。手足腰腿痠痛等證。名曰蓐勞。最難治療。

凡產後。勿用椒薑艾酒。雖血塊得熱流通。然新血爲之。不寧耳。卽砂仁湯。亦能動血。咸在禁忌。

產後乳汁。乃血氣所成。不可食鹹。鹹能止血。令無乳汁。且發嗽難治。

產後南北風土不同。江以南。新產後。卽食鷄子。雖告之以利害。相沿成習。毫無疑懼。且竟多安然無事者。予亦只得隨俗。令其豁開淡煮而食之。尙有養胃却痰之功也。

產後藥誤須知

產後勿輕用烏藥、香附、木香。及耗氣、順氣等藥。用之反增滿悶。雖陳皮用不可過五分。

產後勿輕用青皮、厚朴、山查、枳殼、陳皮、消食藥。多損胃、減食。卽枳殼、香砂等丸亦多損氣血。

產後勿用青皮、枳實、蘓子。以下氣定喘。用之元氣必脫。

產後浮麥、傷胃、耗氣。五味能阻惡露。棗仁、油、滑、致瀉。均爲禁忌之品。

產後身熱。誤用黃芩、黃連、黃柏、枝子、損胃、增熱。致不進飲。

食。且黃芩、苦寒。無論惡露淨與不淨。皆非所宜。

產後四日內。未服生化湯。以消血塊。勿先用人參、蒼朮。致塊不除。

產後勿輕用牛膝、紅花、蘇木、枳殼等類。以消塊。猶忌多用。獨用。至於三稜、莪朮、枳實、山查等峻藥。更不可用。若誤用。舊血驟下。新血亦隨之而損。禍不可測也。予每見俗用山查一味煎汁。以攻血塊。致成危證。頻服兩三貼。必死。

產後勿輕用生地黃。以滯血路。

產後不可用大黃、芒硝。以通大便。反成膨脹。

產後不可用五苓以通小便。用之愈閉。
產時不可用濟坤丹以下胞胎。

不可信婦人良方。及產保百問。俗醫多有守此二書以治
產。用芎歸、白芍、生地。誤人實甚。餘可知矣。

凡人有疾病。多有求卜以問吉凶。並卜何方何姓人醫治
可愈。此蓋人不明醫理。不知醫者孰良孰庸。亦無可如何
之計耳。豈知竟有醫卜相通。醫求卜薦。許以分謝。卜者貪
利。假神道以指引。因卜而薦。誤人性命。比比然也。產後之
證。吉凶在於頃刻。不可不知而慎重也。

三衝論

產後危證。莫如敗血三衝。其人或歌舞談笑。或怒罵坐臥。甚者踰牆上屋。口齧拳打。山腔野調。號佛名神。此爲敗血衝心。多死。醫通云。花蕊石散最捷。琥珀黑龍丹亦效。如雖悶亂。不致顛狂者。失笑散加鬱金。予謂當於妄言妄見門。叅看治療。

若其人飽悶。嘔惡。腹滿脹痛者。爲之衝胃。醫通云。用平胃散。加薑桂。往往獲效。不應。送來復丹。嘔逆。腹脹。血化爲水者。金匱下瘀血湯。予謂當於飽脹嘔逆等門。叅看治療。

若其人面赤嘔逆欲死。爲之衝肺。醫通云。二味參蘓飲。甚則加芒硝。蕩滌之。予謂當於口鼻黑衄門參看治療。

大抵衝心者。十難救一。衝胃者。五死五生。衝肺者。十全一二。其醫通所用金石及峻藥等治法。亦無可如何之思。與其視死。不若救生之意耳。予謂治此等證。宜用生化失笑。抵聖等類。平穩藥。當亦通神。至來復黑龍等丹。花蕊平胃等散。及下瘀血湯。均未敢輕用。姑錄之以備參考耳。

來復丹 治上盛下虛。裏寒外熱。及伏暑泄瀉如水。

硫

黃

同硝石爲末。銀石器內。漫火炒。柳木攪之。不可猛火。以傷藥力。

硝石

太陰元精石

水飛、

青皮

去穢、

陳皮

去白、各一兩、

五靈脂

二兩、水飛去沙石、澄定晒乾、

右爲末。古法以醋和丸。米飲下。因醋易衝壞。今改用米飲糊丸。如梧子大。每服三十丸。空心醋湯下。

二味參蘓飲 治惡露入胞。脹大不能出。及產後敗

血衝肺喘滿。面赤幾死者。

人參

二錢、

蘓木

四錢、碎、

水煎服。又有入童便熱服。○一方、人參一兩爲末。蘓木

二兩 槌碎。水碗半。煎蘓木水一碗。去渣。調人參末。隨時
加減服。○大便溏泄者。禁用。

花蕊石散

失笑散

俱見中卷胞衣不下門

琥珀黑龍丹

見中卷催生門

平胃散

金匱下瘀血湯

俱見上卷諸痛門

生化湯

見本卷生化湯論後

抵聖湯

見本卷氣逆嘔吐不食門

產後不宜汗下利小便論

產後陰血驟下。陽無所附。孤陽外越。每多發熱。此乃陰虛。生熱。切勿作外感。而表散。生化湯善能退熱。以其內有薑草。所謂甘溫能除大熱也。故產後雖有表證。一切風藥。性升。不可用。恐載血上行。令人發暈。且慮重竭其陽。必至汗脫而死。卽佛手散中川芎辛散。能發汗走泄。亦須臨時因證審酌用之。產後陰血既虧。津液自少。況臨產勞倦氣虛。虛則傳化自遲。二腸枯燥。勢所必然。久則自復。或用生化湯養血兼生津助液亦可。故產後雖二便暫有不甚通利。

然於下利等藥。必須禁用。非特硝黃五苓。難於輕試。卽四物湯中生地芍藥。純陰而伐生氣。且作瀉而凝血。五苓利水傷陰。愈通之而愈枯結。若誤用而重亡其陰。難免孤陽無輔而走脫矣。故機要有云。胎產之病。從厥陰。無犯胃氣。及上下二焦。不可汗。不可下。不可利。小便也。

生化湯

見本卷生化論後

新產三審論

凡治產後。三審不可缺也。一審少腹痛與不痛。以徵惡露之有無。二審大便通與不通。以徵津液之盛衰。三審乳汁。

行與不行。及飲食多少。以徵胃氣之克。餒審斯三者。以脉
叅證。以證合脉。脉證相符。有疾治之。卽愈。脉證相反。縱無
危候。必多變端。卽如產後惡露。常以彌月爲期。然間有六
七朝卽淨者。又未可以概論也。此雖產母稟質不同。而因
胎之所稟亦異。如胎息壯盛。則氣血盡歸其子。瘀血自少。
胎息孱弱。則氣血涵養有餘。瘀血必多。亦有產時去多。產
後必少。產時去少。產後必多。勢使然也。大抵常產之婦。開
闔有權。產後子宮卽閉。兒枕隨氣攻注。碎作小塊。續續而
下。所以延綿日期。又有由於艱產。過傷子宮。關闔廢弛。不

能收斂。或下血塊。大小形色與茄無異。此名兒枕是也。全塊頓出。自無淋瀝之患。卽有餘血。盡歸洩便。如皂莢汁。少腹畧無痛苦。切勿認爲產後瘀。尙未行。妄行攻下。誤人性命。產後又有似乎兒枕痛者。摸之亦有塊。按之亦微拒手。人皆指爲兒枕宿血。此大不然。夫胎胞俱去。血亦豈能獨留。蓋子宮蓄子既久。忽爾相離。血海陡虛。所以作痛。胞門受傷。必致壅腫。所以亦若有塊。而實非正塊。腫既未消。所以亦頗拒按。治此者。當安養其臟。不久自愈。若有瘀服藥。生化湯爲最。毀胞煎。或四神散亦可。若誤用蘓木。紅花。元

胡、青皮之屬。反損臟氣。必增虛病。慎之慎之。予曾見孕婦產後。少腹旁邊。以手按之。內有一條。形如小黃瓜。斜長而硬。頗似瘀積。然無痛苦。產婦先以爲瘀滯。後以爲癥瘕。每愁成病。予開導之云。無痛苦。不拒按。是虛非實。血足自消。不須疑慮。遲數月。果漸消沒矣。

駁胞煎 治產後兒枕疼痛等證如神。

當歸 五錢

川芎 一錢

茯苓 一錢

炙草 一錢

肉桂 五分

胎產心法

卷下 三審門方

圭

水一鍾。煎八分。熱服。○如脉細而寒。或嘔者。加乾薑炒黃色一錢。○如血熱多火者。去肉桂。加酒炒芍藥一錢。

○如脉弱陰虛者。加熟地三錢。○如氣滯者。加製香附一錢。○腰痛。加鹽水炒斷絲杜仲一二錢。

生化湯 見本卷生化湯論後

四神散 見本卷腹痛門

血塊痛論

產後血塊。是孕成餘血之所積也。夫婦人血旺氣衰。二七而天癸至。三旬一見。以象月盈則虧。行之有常。則曰經。有

孕則經水不行。其餘血注於胞中。以護胎元。一月名胎胚。二月名始膏。三月始成形而名胎。方受母血之廕庇。胎形尙小。雖食母血。而尙有餘汁。並前兩月之血。積於胞中。日久成塊。至產時。當隨兒下。或因產婦送兒。送胞。勞倦無力。或調護失宜。腹欠溫煖。至血塊日久不散。疼痛拒按。並宜生化湯助血行。血外用熱衣煖腹可也。慎勿輕服峻劑。至崩脫不救。

生化湯

見本卷生化論後

暈厥論

胎產心法

卷下

血塊論

暈厥論

六

凡產後暈厥二證。皆由氣血並竭。苟非急補。何能挽其將絕之元神。無庸疑議者也。但暈在臨盆。證急猶甚於厥。用藥不及。急救法救之。如其人微虛者。則眼花頭眩。或心下滿悶。神昏口噤。不知人事。少頃卽蘇。或因亡血過多。以致虛火乘虛泛上。而神不清。身無所主。其陰血暴亡。心神失養。心與胞絡。君相之火。得血則安。亡血則危。火上熾。故令人昏冒。火乘肺。故瞑目不省人事。是陰血暴亡。不能鎮撫也。經云。病氣不足。宜補不宜瀉。瞑目合眼。病悉屬陰。暴去有形之血。則火上熾。均宜頻灌生化湯。或從權急救生化

湯二三貼。先補血分之虧。則塊化血旺神清而暈止。大虛者。其證面白。眼閉。口開。手冷。多汗。神昏。六脉微細之甚。是氣隨血脫而欲絕。當大劑人參。方可回陽。恐勢急而補陰不及。須以氣藥兼之。此陽生陰長之理也。從權急救。加參生化湯。或加參生化湯最效。如製藥不及。速用獨參湯。兩許煎湯急救之。但得下嚥。即可望生。若少遲延。則無及矣。有人謂產後七日。方可用參。此愚昧訛傳。不知始自何人。萬不可信。但暈發頃刻。而急救外治之法。又不可緩。速宜輕輕扶坐。勿令卧倒。或燒紅炭。沃之以醋。或燒舊漆器。令

烟氣透入口鼻卽甦。急捏人中。靜以待之。元氣漸復。不可亂動。致令神氣散亂。或用韭菜一握。切碎。入有嘴磁瓶內。將醋煎滾。澆入瓶內。急蓋瓶口。以瓶嘴向婦鼻孔。令氣透入鼻中卽蘇。但凡大病大虛之人。皆能作暈。產後之暈。因血去而名之曰血暈。實非因血而致暈也。若偏信古方。認暈證爲惡血搶心。而輕用蘇木、牛膝、紅花等類。以及牡丹奪命等方。或認爲痰火。而用無補消痰之方。誤之甚矣。俗治產婦。或因死胎。及胎衣惡血上逆。搐嘔昏暈。用小便乘熱灌之。但得一口下咽卽止。設遇胃氣壯盛之婦。不畏臊。

氣獲效者有之。然童便非能止暈回元。蓋取其下行舊路。降火消瘀。考之方書內云。敗血流入肝經。眼生黑花。頭目昏暈。不省人事。此血熱乘虛逆上。湊心。故昏迷不省。氣閉欲絕也。服童便最好。此論。但照管敗血全不顧產虛。且有氣閉欲絕四字。豈童便可挽回元氣欲絕乎。卽有惡血上逆。血滯等證。亦莫若生化湯。溫而行之。去瘀止暈之妙也。予見江南產科。有用當歸 二錢 益母草 一錢 人參 二錢 紅

花

六分

炮薑

八分

煎熱。衝童便服之。以治暈。此方兼得之。

義。庶幾近之。如婦人有血暈之證者。不若於將產數日前。

預前擇服八珍歸脾十全等類調補氣血臨產又用人參
催生補於未產未虛之前產後無虛可乘無暈可發矣三
于厥證在分娩之後因產時用力過多勞倦傷脾孤臟不
能注於四傍故手足逆冷而發厥經云陽氣衰於下則爲
寒厥厥氣上行滿脉去形蓋逆氣上滿於經絡則神氣浮
越去身而散也宜大補回陽生化湯連用二服俟氣血旺
而神復厥證自止矣又非偏補血分之可得而愈也若服
藥而口渴另用參麥散以代茶助津以救臟燥也又有四
肢逆冷泄痢類傷寒陰證不可用四逆湯必生化湯倍參

煎服。或加熟附子一片。則可以止逆回陽。而見參歸之功矣。若血塊痛止而厥。滋榮益氣湯最效。凡暈厥。乃產後危急。二證。若新產。塊痛未除。又未可據。加著術。故急加人參。從權以救之。俟暈止。厥回。再去參。以除塊痛。此要訣也。

急救暈法

凡兒方生下。母卽昏暈不醒者。此時卽有藥不能入口。遲則不救。其法。急以極軟舊衣。緊閉產戶。以知事婦女。用膝抵住。勿令下面氣洩。又令一人。一手挽住頭髮。一手捫住鼻口。勿令上面氣洩。俟稍轉畧有聲息。方用熱水接氣。急

服生化湯。

從權急救生化湯 治三等血暈兼化瘀生新。

川芎 三錢

當歸 六錢或八錢酒洗

乾薑 四分炙黑

桃仁 十粒去皮尖

炙草 五分

荆芥穗 四分炒黑○許多忌用

棗二枚水煎服。○勞倦甚及血崩或汗多形氣脫而暈。

加人參 三錢肉桂 四分急服一二貼其效如神決不可。

疑。參爲補而緩之。○痰火乘虛泛上而暈加橘紅 四分。

虛甚亦加用人參 八分肥人加竹瀝 數匙薑汁 少許。

從權急救加參生化湯 治產後形色脫暈。

人參 三錢

川芎 二錢

當歸 四錢、酒洗

乾薑 四分、炙黑

桃仁 十粒、去皮尖

炙草 五分

荆芥穗 四分、炒黑、○汗多忌用

棗二枚、水煎服。○血塊痛甚。加肉桂 七分。○渴。加去心

麥冬 一錢。五味子 十粒。○汗多。加麻黃根 一錢。如無塊

痛。加蜜炙黃耆 一錢。以止汗。○傷麪食。加炒神麪 八分

炒麥芽 五分。○傷肉食。加山查、砂仁、各六分。

加參生化湯

附大補回陽生化湯

人參

二錢

川芎

四錢

當歸

八錢酒洗

乾薑

四分炙黑

炙草

五分

桃仁

十粒去皮尖

棗二枚。水煎服。○此方產後諸危急證通用。一日夜須服三四貼。方能接將絕之氣。如產後三日內。塊痛未除。俟元氣稍復。已有生意。當去參。仍服生化原方。○虛脫。厥逆。汗多。加人參三四錢。○脉與形俱脫。將絕。必用此方。頻灌。○厥而兼汗。加去心麥冬一錢。○汗多。渴甚。加

去心麥冬 三錢。

○汗多、痰喘。加竹瀝、薑汁、去皮尖杏仁

十粒。

○汗多、喘、嗽聲重。加桔梗、去皮尖杏仁、各五分。○

無汗、喘、嗽、氣短。加製半夏 一錢。

去皮尖杏仁 十粒。 桔梗

五分。

○汗多、身熱、氣短。加人參。○左尺脉弱。亦加人參。

○汗不止。三四劑後。加蜜炙黃耆 一錢。

○一方、川芎、當

歸、減半。名大補回陽生化湯。治新產厥證。棗引、連煎二

服即效。○若厥證作渴。佐以生脉五味飲代茶。以救津

液。則渴減厥回。

參麥五味飲

○去五味子、名參麥飲。○又名生脉湯。○又名生脉散。

人參 二錢、〇一方三錢、
麥冬 二錢、去心、

五味子 七粒、搥碎、

煎湯。作茶。時時飲之。煎湯用銀器。或砂器為妙。

滋榮益氣湯 治血塊痛止而厥。

人參 當歸 各三錢、

川芎 白朮 土炒、

黃耆 蜜炙、各一錢五分、或
一錢、熟地 二錢、

麥冬 八分、或一錢、去心、
炙草 四分、

五味子 十粒、
川附子 五六分、或一錢、製、

水煎服。○汗多加麻黃根、炒棗仁、各一錢。○大便難加

酒洗肉苁蓉 一錢五分。

生化湯 見本卷生化湯論後

八珍湯 見上卷諸痛門

歸脾湯 見上卷胞漏小產門

十全大補湯 見上卷胎不長養門

大補回陽生化湯 附本門加參生化湯下

血脫氣脫神脫三證論

產後暴崩爲血脫。氣短似喘爲氣脫。妄言妄見爲神脫。三

證雖有氣陽血陰之分。於精散神促無異。比前暈證治可少緩。亦危證也。若非大藥急方。頻服失之者多矣。倘誤爲氣實痰火妄治。鮮有不殞生者。若勢急並宜用加參生化湯。補中寓行。免致血虛之失。其血脫患崩一證。由衝任已傷。氣血未復。或因勞役驚恐。或因惡露未盡。固澁太速。以致停畱。一旦復行。然經血大來。當審血氣而辨血色之紅紫。視形色之虛實。如血多紫色有塊。乃當去之。敗血也。其少腹必脹滿。按之而痛。止之反能作痛。或致淋瀝。此不可言崩。只服生化湯幾貼。自愈。如鮮紅之血大來。乃驚傷心。

不能主血。怒傷肝。不能藏血。勞傷脾。不能統血。血不歸經。血。臟。有。傷。當。以。崩。證。治。之。崩。非。經。病。產。婦。得。之。是。爲。重。虛。猶。不。可。忽。故。宜。急。治。用。荆。芷。治。崩。湯。若。有。血。塊。痛。而。形。色。脫。或。有。汗。或。氣。促。宜。服。加。參。生。化。止。崩。湯。以。益。氣。使。陽。生。而。陰。血。自。旺。非。十。灰。散。之。可。止。者。如。血。塊。痛。止。或。產。後。半。月。外。崩。證。者。又。宜。滋。榮。益。氣。止。崩。湯。或。升。舉。大。補。湯。少。佐。黃。連。墜。火。寧。血。歸。經。或。用。曾。生。升。舉。大。補。湯。亦。妙。亦。有。少。腹。空。痛。不。可。誤。認。有。瘀。察。其。下。血。少。而。無。紫。塊。者。是。也。當。以。崩。治。宜。重。用。熟。地。若。小。腹。滿。痛。不。已。而。脉。實。大。緊。數。者。

此肝經已竭。肝氣隨敗矣。難治。醫通有治產後崩中去血。赤白相兼。或如豆汁。用千金伏龍肝湯治之。其氣脫短。氣似喘一證。因產所下過多。榮血暴竭。衛氣不能運行。獨聚於肺。肝腎不接。故令呼吸短促。語言不相接續。有似於喘實。非喘也。夫肺受脾氣散精。生脉而通水道呼吸。所以清肅上下。調和榮衛。而爲平人。若值產後血亡。氣窮。浮脫於上。孤陽絕陰。無根將脫之兆。最爲危候。惟大進參附。或可得生。世有妄論痰火實證。反用散氣化痰之方。治之必死。有塊痛者。當用大補回陽生化湯。連二三服。世人多疑參。

助喘不用。致不救者多矣。況同芎歸黑薑。不加蒼朮。萬無有失。要知人生於氣。氣壯則根本固。而藏源者。歛納於下。運行者。強健於中。何有爲喘爲脹之虞。又有用人參加陳皮監制。則盜洩元氣。反致耗散。只可消導藥中監之耳。考全書。貞元飲。亦治似喘。妙藥也。如無塊痛。當用續氣養榮湯最妙。或倍參補中益氣湯。少佐熟附。助參以治氣脫。攝氣歸元亦可。如氣虛兼寒者。宜大補元煎。或理陰煎主之。其神脫妄言妄見一證。因心肝脾三陰血少。而神魂無依也。然有譫語鄭聲之分。甚至發狂等證。統歸於妄耳。其輕

者。睡中呢喃。重者。不睡亦語。或言日用尋常之事。或如見鬼狀。昏不識人。語言不休。此譫語之謂也。若虛甚而聲轉無力。言語不能接續。有頭無尾。一兩句卽止。或重言疊語。說過又說。或如造字出於喉中。若鄭聲之輕怯。此鄭聲之謂。其精氣衰奪更甚於譫語矣。夫人之心藏神主血者也。而言乃心之聲。心有血而神存。則言不妄發。肝藏魂藏血者也。目得血而司視。則瞳瞭而視正。若夫產後氣血暴竭而心神失守。故言語無倫。肝魂無依。則瞳眊妄見。況心爲五臟之主。目乃百脉之官。虛證見於心目。則十二官各失

其職可知矣。是以視聽言動皆成虛妄。當論產期塊痛有無。先後施治。方爲得法。若分娩兒下之後。塊痛未止者。宜服寧神生化湯。確知瘀血不行。合失笑散同服。如痛止者。則服寧心定魄茯神湯。連進大補十數劑。生氣養血安神定志。服至元足。其病始愈矣。或以生地易熟地而清心火。寧君主之官亦可。病家母求速效。勿信邪崇。若噴以法水。驚以法尺。多致不救。屢治此病。服八珍加炮薑十數劑。方效。丹溪云。虛病猶似邪崇也。又云。欲泄其邪。當補其虛。此古人之確論。但人不能體認其意。反言攻補難施。若必攻。

邪。盡。方。可。言。補。則。誤。矣。不特醫家治產後虛證。卽高年及
虛弱人。妄言妄見等證。亦當如是。慎重也。產後間有敗血
停積。上干於心。心不受觸。而有妄言妄語。如見鬼神者。此
必心下脹悶。煩燥昏亂。卧起不安。誤作中風治。必殆。芎歸
瀉心湯主之。醫通云。虛則四物湯換生地。加桂心。炮薑。生
蒲黃。石菖蒲。實則四烏湯。加川連。煎成。入龍腦一捻。服後
得睡卽安。心悸恍惚。語言錯亂。千金遠志湯。如內虛。敗血
攻心。狂言亂語者。龍齒清魂散主之。心脾血少。八珍加炮
薑。馮氏云。產後陰血暴崩。肝虛火妄之極。而發狂者。宜澤

蘭、歸地、牛膝、茯神、遠志、棗仁、加童便、主之。若因敗血停積，用調經散。予謂不若生化湯合失笑散。若心血虛，用柏子仁湯。予謂不若寧神定魄茯神湯。○余室人沈氏，於康熙癸巳冬至月，患產後神脫之證，爲醫人妄用降氣消痰清火方藥，變爲痙證，仍不知峻補，猶以風痰爲患，驅風化痰。余正奉

差大通橋，轉運軍糧，幾及百萬，督催歲內全米進倉，不遑歸視，直至病篤。僕人持方來云：服藥罔效，奈何。余閱之，非正治之方，悉促死之藥也。彼時心神脅亂，又未得親視其證。

未敢定方。卽大書速用人參救脫六字。令僕持歸。復慮醫者執產後不宜用人參之見。差人往問。果如所料。且知仍用蘓子降氣下痰。余情不能已。星速馳歸。時已初更。而其氣在呼吸間。已遷出外舍。余急用人參三錢。煎湯調胎產金丹一粒。下嚙時許。卽復蘇。起坐而言矣。其時夜半。奈無參可繼。竊念旣已少愈。不妨待旦市服。詎漏絕時。參力已竭。又復脫去。救無及矣。雖曰數也。命也。而清痰降火之誤。實有以致之矣。

荆芷治崩湯 治產後血崩。其色鮮紅。

川芎 一錢、

當歸身 四錢、

乾薑 二分、炙黑、

荊芥穗 六分、炒黑、

炙草 四分、

白芷 五分、

棗煎服。○十灰散不用、故不錄方、

加參生化止崩湯 治產後血塊痛。鮮血崩。形色脫、

或汗多。或氣促。

人參 二三錢、

當歸身 四錢、

川芎 二錢、

乾薑 炒黑、

炙草 各四分、

白芷

荆芥穗

炒黑各五分

薤仁

十粒去皮尖

棗二枚。水煎服。

滋榮益氣止崩湯 治產後無塊痛。或半月外崩證。

人參

川芎

黃耆

蜜炙各一錢

白朮

土炒

生地

各二錢

當歸

四錢酒洗

陳皮

黃連

白芷

荆芥

炒

升麻

炙草

各四分

棗二枚。水煎入童便溫服。○如汗多加麻黃根一錢。浮

小麥一撮。○大便難加酒洗菰蓉一錢。○有氣滯加木

香二分爲末衝服。○有痰加竹瀝薑汁去心貝母。○咳嗽加去

皮尖杏仁桔梗各八分。炒知母七分。○驚悸加栝子仁一

錢。炒棗仁一錢。○傷飲食加炒神麴八分。炒麥芽八分

○傷肉食加山查八分。砂仁五分。○身熱倍加參耆去

黃連。

升舉大補湯 治產後日久血崩不止或崩如鷄蛋

大或去血片宜大補脾胃升舉氣血少加鎮墜心

火之劑。並治老壯婦人崩淋。

人參 二錢

黃耆 一錢 蜜炙

熟地 二錢

白朮 土炒

當歸 酒洗 各二三錢

防風 三分

荆芥 炒黑

羌活

升麻

白芷

陳皮

黃連 炒

黃栢 炒褐色

炙草 各四分

棗二枚。水煎服。○口燥。加去心麥冬 一錢。五味子 十粒。

○泄瀉。去黃栢。加澤瀉五分。去心蓮子十粒。○有痰加

製半夏一錢。○白帶多。加製半夏、製蒼朮、各一錢。

曾生升舉大補湯 治產後血塊痛止崩證。

人參

當歸

白朮

土炒各二錢

川芎

麥冬

去心

黃耆

蜜炙各一錢

熟地

三錢

陳皮

炙草

白芷

荊芥穗

炒黑

升麻

胎產心法

卷下

血脫氣脫神脫方 元

血餘灰

各四分

棗二枚。水煎服。○汗多加麻黃根。浮麥。○便難加酒洗

蓯蓉

一錢。

○痰加去心貝母

六分。

○咳嗽加桔梗。去皮

尖杏仁

各一錢。

○不寐驚悸加炒棗仁。栢子仁。各一錢。○

本方少加黃連三分。以墜火亦妙。○凡遇崩證。有如此等餘病。大忌峻利。

千金伏龍肝湯 治勞傷衝任。崩中去血。赤白相兼。

或如豆汁。臍腹冷痛。口乾食少。

伏龍肝

如彈子大七枚

生薑

生地 各一兩五錢

甘草

艾葉

赤石脂

桂心 各六錢

右七味。㕮咀。以水一升。煮取三升。分四服。日三夜一。

貞元飲

熟地 七八錢。甚者一二兩。

炙草 一二三錢。

當歸 二三錢。

水二鍾。煎八分。溫服。○此方治氣短似喘。呼吸促急。提不能升。嚙不能降。氣道噎塞。勢劇垂危者。常人但知爲。

胎產心法

卷下

血脫氣脫神脫方

三

氣急其病在上而不知元海無根虧損肝腎此子午不
交氣脫證也。猶爲婦人血海常虧者最多此證宜急用
此飲以濟之緩之可稱神劑。凡診此證脉必微細無神。
若微而兼緊猶爲可畏。倘庸衆不知妄云痰逆氣滯用
牛黃蘓合及青陳枳殼破氣等劑則速其危矣。○如兼
嘔惡或惡寒者加煨薑三五片。○如氣虛脉微至極者
急加人參隨宜。○如肝腎陰虛手足厥冷加肉桂一錢
續氣養榮湯 治產後氣短促問無塊痛宜用此方。

人

參 二三錢

熟地 二錢

常歸

四錢酒洗

川芎

一二錢

黃耆

蜜炙

白朮

土炒各一錢

陳皮

乾薑

炙黑

炙草

各四分

棗二枚水煎服。○如手足冷加熟附

三五分

○汗多加

麻黃根

一錢

浮麥

一撮

○渴加去心麥冬

一錢

五味子

十粒

○大便不通加酒洗苳蓉

二錢

芝蔴

一撮

○傷食

或麪加炒神麪

一錢

炒麥芽

五分

○傷肉食加山查

五

個或五分

砂仁

五分

○一方無熟地黃

胎產心法

卷下

血脫氣脫神脫方

三

寧神生化湯 治產後塊痛不止。妄言妄見。未可用。

著木者。

人參 二錢、

當歸 三錢、酒洗、

乾薑 炙黑、

炙草 各四分、

茯神

栢子仁

川芎 各一錢、

薤仁 十粒、去皮尖、

益智仁 八分、

陳皮 三分、

棗二枚。龍眼肉五個。水煎服。○瘀血不行。合失笑散。

寧心定魄茯神湯 治產後塊痛已止。妄言妄見證。

人參

當歸酒洗

熟地各二錢

川芎

黃耆蜜炙

白朮土炒

棗仁炒去殼

栢子仁

茯神

益智仁

麥冬去心各一錢

陳皮三分

五味子十粒碎

炙草四分

棗二枚。建蓮肉去心八枚。桂元肉八分。水煎服。

芎歸瀉心湯 治積血上干於心。脹悶昏亂。起卧不

安。以致妄言妄語。如見鬼神。

歸 稍

酒洗

川 芎

延胡索

蒲 黃

牡丹皮

各一錢

桂 心

七分

水煎。另研五靈脂末一錢。食後調服。

千金遠志湯 治產後心悸恍惚。語言錯亂。

人 參

當 歸

遠志肉

甘草水泡去骨

芍 藥

炒

麥 冬

去心

桂 心

炙草 各一錢、

茯苓 一錢五分、

大棗四枚。生薑三片。水煎服。○心胸逆氣。加製半夏五七枚。

龍齒清魂散 治心虛挾血。振悸不寧。產後敗血衝心。笑哭如狂。

人參

龍齒 醋煨、

遠志 甘草水泡去骨、

歸身 各五錢、

茯神

麥冬 去心、

桂心

炙草 各三錢、

胎產心法 卷下 血脫氣脫神脫方 三

延胡索

一兩

細辛 一錢五分

爲散。每服四五錢。薑三片。紅棗一枚。水煎調服。此卽平補正心丹。去棗仁、栢仁、菖蒲、生地、山藥、五味、硃砂。加延胡、細辛、甘草。

加參生化湯

見本卷暈厥門

生化湯

見本卷生化湯論後

大補回陽生化湯

見本卷暈厥門附加加參生化湯下

大補元煎

見本卷惡露不止門

理陰煎

見上卷惡阻門

原缺

蒲索四物湯 治產後惡露不止。

當歸 一錢五分

川芎 八分

熟地黃 二錢

白芍 酒炒

延胡索 醋炒各一錢

蒲黃 七分炒

乾薑 五分炒黑

產後忌芍藥。而此方用之。審惡露不止四字。則產日已久矣。故不忌也。

升陷固血湯 治產後月餘。經血不止。陷下者舉之。

當歸

川芎

熟地

白芷

升麻

血餘灰 各一錢

水煎服。

保陰煎 治一切陰虛內熱、動血等證。

生地

熟地

芍藥 各二錢

山藥

川續斷

黃芩

黃柏 各一錢五分

生草 一錢

水二鍾。煎七分、食遠服。○如小水多熱、或兼怒火動血

者。加焦枝子 一二錢。○如夜熱、身熱。加地骨皮 一錢五

分。○如肺熱多汗者。加去心麥冬、炒棗仁。○如血熱甚

者。加酒炒黃連 一錢五分。○如血虛、血滯、筋骨腫痛者。

加當歸 二三錢。○如氣滯而痛。去熟地。加陳皮、青皮、丹

皮、香附之屬。○如血脫、血滑。及便血久不止者。加地榆

一二錢。或烏梅 一二個。或百藥煎 一二錢。醋炒文蛤亦

可。○如少年。或血氣正盛者。不必用熟地、山藥。○如肢

節、筋骨疼痛、或腫者。加秦艽、丹皮、各一二錢。○此方芩、

連、枝、栢等類。當於產後日久。方可用之。

清化飲 治婦人產後因火發熱及血熱妄行陰虧諸火不清等證此方清涼產後日久方可用之

芍藥

麥冬 去心各二錢

丹皮

茯苓

黃芩

生地 各二三錢

石斛 一錢

水一鍾半煎七分食遠溫服○如覺骨蒸多汗者加地

骨皮 一錢五分○熱甚而渴或頭痛者加煨石膏 一二

錢○下熱便澁者加木通 一二錢或炒黃柏炒枝子皆

可隨證用之。○如兼外邪發熱。加柴胡 一二錢。

以上保陰、清化二方。蓋因產家或過慎太煖。或因年力方壯而飲食藥餌太補過度。致火動病熱。下血日久不止。此產後間有之實證。故錄是方以備用。

固陰煎 治陰虛滑泄。帶濁淋遺。及因虛不固。此方專主肝腎。

人參 隨宜

熟地 三五錢

山藥 二錢 炒

山茱萸 一錢五分 去核

遠志

七分 甘草水泡去骨

炙草 一二錢

胎產心法

卷下

惡露不止方

三七

五味子 十四粒

兔絲子 二三錢炒香

水二鍾煎七分。食遠溫服。○如虛滑遺甚者。加金櫻子

肉 二三錢。或醋炒文蛤 一錢。或烏梅 二個。○如陰虛微

熱而經血不固者。加製川續斷肉 二錢。○如下焦陽氣

不足而兼腹痛溇泄者。加補骨脂、吳茱萸之類。隨宜用

之。○如肝腎血虛。小腹痛而血不歸經者。加當歸 二三

錢。○如脾虛多濕。或兼嘔惡者。加土炒白朮 一二錢。○

如氣陷不固者。加炒升麻 一錢。○如兼心虛不眠。或多

汗者。加炒棗仁 二錢。

壽脾煎 治脾虛不能攝血等證。及婦人無火崩淋。凡兼嘔惡。猶為危候。速宜用此救脾。則統血歸源矣。若再用寒涼。胃氣必脫。無不死者。

人參

隨宜、一二錢、急者用一兩、

白朮

二三錢、

當歸

二錢、

山藥

二錢、

棗仁

一錢五分、

遠志

三五分、製

乾薑

一二錢、炮黑、

炙草

一錢、

蓮肉

二十粒、去心、炒、

水二鍾。煎服。○如血未止。加烏梅

二個。

凡畏酸者、不可

用。或加地榆一錢五分亦可。○滑脫不禁者。加醋炒文

蛤一錢。下焦虛滑不禁。鹿角霜二錢為末。攪入藥中服

之。氣虛甚者。加炙黃耆二三錢。○氣陷而墜者。加炒升

麻五七分。或白芷亦可。○兼溏泄者。加炒補骨脂一錢

○陽虛畏寒者。加製附子一二錢。○血去過多。陰虛氣

餒。心跳不寧者。加熟地七八錢或一二兩。

大補元煎 治男婦血氣大壞。精神失守。危據等證。

人參一二錢多則用一二兩 山藥二錢炒

熟地二三錢多則用二三兩 杜仲二錢鹽水炒斷絲

當歸

泄瀉者去之、

枸杞

各二三錢、

山萸肉

如畏酸吞酸者去之、

炙草

各一錢、

水二鍾煎七分。食遠溫服。○如元陽不足、多寒者、加製

附子、肉桂、炮薑之類。隨宜用之。○如氣分偏虛者、加炙

黃耆、土炒白朮。若胃口多滯者、不必用。○如血滯者、加

川芎、去山茱萸。○滑瀉者、加五味、炒故紙之屬。

薛氏加味四物湯 養肝血、清肝火。

熟地

當歸

各三錢、

芍藥

二錢、

川芎

胎產心法

卷下

惡露不止方

三

山枝炒

柴胡

丹皮各一錢

水二鍾煎服。

良方一味防風散一名獨聖散

防風去蘆

爲末。每服二錢。空心。食前。用酒煮白麪清飲調下。治肝經有風。以致血得風而流不歸經者極效。

十全大補湯見上卷胎不長養門

氣喘論

凡產後。若因風寒外感。邪氣入肺。而喘急者。必氣粗。胸脹。或多咳嗽。自與氣短。似喘。上下不接者。不同。治當疎散中。兼補爲主。宜金水六君煎。或六君子湯。若單以寒邪入肺。氣實。氣壅。而本無虛者。宜六安煎。或二陳湯。加蘓葉之類。主之。又有瘀血入肺。必面黑發喘。與氣短。似喘。大不相同。用二味參蘓飲治之。或有氣虛血瘀。泛上者。用六君子。調服失笑散亦效。

金水六君煎 治肺腎虛寒。水泛爲痰。或年邁陰虛。血氣不足。外受風寒。咳嗽。嘔惡。多痰。喘急等證。

當歸

半夏製

茯苓

各二錢

熟地

三五錢

陳皮

一錢五分

炙草

一錢

水二鍾。生薑三五片。煎八分。食遠溫服。○如大便不實、

而多濕者。去當歸。加山藥。○如痰甚。氣滯。胸脇不快者。

加白芥子

七八分

○如陰寒甚。而嗽不愈者。加細辛

五

七分

○如兼表邪寒熱者。加柴胡

一二錢

六安煎。治風寒咳嗽。及非風初感。痰滯。氣逆等證。

陳皮

一錢五分

半夏

二三錢製

茯苓 二錢

杏仁 去皮尖碎

甘草 各一錢

白芥子 五七分凡老年氣弱及產後者不用

水一鍾半。加生薑三五片。煎七分。食遠服。○若氣虛猝倒。及氣平無痰者。不可用此劑。

六君子湯 見上卷諸痛門

二陳湯 見上卷子煩門

二味參蘓飲 見本卷三衝證門

失笑散 見中卷胞衣不下門

惡露不下論

凡產後臟腑勞傷。氣血虛損。或胞絡挾於宿冷。或當風取涼。風冷乘虛而搏於血。壅滯不宣。積蓄在內。故不下也。宜溫煖活血。則血自行。此必小腹脹滿。刺痛無時。宜用血證黑神散。予每治此證。用生化湯。倍菴仁。調失笑散。生新行瘀。類以黑沙糖。衝滾湯。少滴無灰酒服之。如素不飲。或恐發暈。卽不加酒亦可。每每獲效。又或因脾胃素弱。中氣本虛。敗血亦少。氣乏血阻。不能盡下。其證乍痛乍止。痛亦不甚。不可用大黃等藥攻之。反增別病。加減八珍湯主之。或生化湯多服數貼亦效。薛氏止用失笑散治之。尊生錦囊。

均用四味散治效。○一產婦患前證。服峻厲之劑。惡露隨下。久而昏憤。以手護其腹。此脾氣復傷作痛。故用手護也。以人參理中湯加肉桂二劑。補之而愈。

加減八珍湯

人參

八分。或一錢

白朮

土炒

茯苓

各一錢

歸身

二錢

川芎

赤芍

各八分

熟地

一錢五分

延胡索

炒

製香附

各七八分

炙草

五分

胎產心法

卷下

惡露不下論

並方

四二

薑棗引。水煎食前服。

四味散 治瘀血不下。及療絕分娩一切諸疾。

當歸

延胡

血竭

沒藥 各五分

爲末。用熱童便半鍾調服。

血證黑神散

見上卷謔語門

生化湯

見本卷生化湯論後

失笑散

見中卷胞衣不下門

脫汗亡陽及諸汗論

產婦分娩既已亡血而又多汗極危證也。蓋汗者心之液。榮於內爲血。發於外爲汗。血液屬陰。陰亡陽亦隨之而走。故曰脫汗亡陽。其用藥與他證不同。但血塊作痛著朮又未可據加。如倦甚澀澀汗出。形色又脫。速灌加參生化湯。倍參以救危急。毋拘塊痛俟汗止再去參服之。經曰陽氣者精則養神。柔則養筋。多汗不止必發柔痙。氣血俱虛當用十全大補湯。不應加附子。予謂無塊痛者當用之。此證若服參著重劑而汗多不止及頭汗出不至腰足難治。自汗不止皆由勞傷心神不能鎮守其液治當健脾胃散。

水穀之精以歸肺。益其榮衛而虛血歸源。灌溉四傍。不使妄行於外而爲汗也。亦用加參生化湯。或麻黃根湯。并間用黃耆五味煎湯。送六味丸。醫通云。因外感多汗者。黃耆建中湯治之。

盜汗者。睡中汗出。醒來卽止。猶盜賊之瞰人睡而盜之。謂之盜汗。非自汗可比。此因亡血陰虛。陽氣偏盛。內經云。陽加於陰則發汗。治當兼用血分藥品。雜病雖有當歸六黃湯。然寒而膩膈。又不可治。產後之盜汗也。宜止汗散主之。頭汗者。或因濕熱。或因瘀血。當審虛實治之。

半身汗出。昔人用二陳合四物。治多不效。以血藥助陰。閉滯經絡也。此屬氣血不充。而有寒痰留滯。非大補氣血。兼行經。豁痰不效。宜十全大補。人參養榮。加星半川烏。若肥人多加豁痰行氣藥。如瘦人乃氣血本枯。天之徵也。

麻黃根湯 治產後虛極。自汗不止。

人參 一錢或二錢

當歸 二錢

黃耆 一錢五分。蜜炙。

麻黃根

牡蠣 煨

麥冬 去心

浮麥 各一錢

桂枝 五分

炙草 四分

水煎服。○如無塊痛。加土炒白朮 一錢。熟地 三錢。○手

足冷。加熟附子 一片。炮薑 四分。○渴。加去心麥冬 一錢。

五味子 十粒。○惡風寒。加防風 五分。○肥人。加竹瀝 一

小盞。生薑汁 半茶匙。以清痰火。并間服六味丸。七八十

丸。用炙黃耆、五味子煎湯送下。

黃耆建中湯 附小建中湯。○內補建中湯。

桂枝 三錢。白芍 六錢。炒。

炙草 二錢。黃耆 一錢五分。蜜炙。

膠飴 一合

生薑 五片

大棗 四枚、擘

右開乃古方分兩。後人多有減用者。桂枝 一錢。白芍 二

錢。炙草 七分。膠飴 三錢。薑 三片。棗 二枚。○千金多人參

二錢。

○桂枝湯者。和營表藥也。倍芍藥。加膠飴。便能建

立中氣。故名小建中湯。以芍藥之酸。歛護營血。膠飴之

甘。培養中土。能治風木乘脾。寒熱腹痛。再更加炙黃耆。

卽黃耆建中湯。治虛勞感寒。發熱自汗。以黃耆實衛氣。

使營衛藏府俱和。而受益多矣。○千金於小建中方。加

入當歸。名曰內補建中。其調和中外之力可知。

止汗散 治產後盜汗。

人參 二錢、

麻黃根 一錢五分、

當歸 酒洗、

熟地 各三錢、如有塊痛不

黃連 五分、炒、

浮麥 一錢、

水煎服。○一方用牡蠣末 五錢、炒小麥麩 八兩、二味兼

服三五錢。猪肉汁調服。

人參養榮湯 治心脾虛寒。榮血不足。寢汁發熱。

人參

黃耆 蜜酒炙、

炙草

白朮土炒

茯苓

陳皮

熟地

當歸酒拌各一錢

芍藥一錢五分炒

肉桂八分

遠志五分甘草水製去骨
淨取肉

五味子七分炒搥碎

薑三片。棗二枚。水煎服。○二陳合四物名八物湯因不
用故不錄方

加參生化湯見本卷暈厥門

六味丸見上卷諸痛門附六味地黃湯下

十全大補湯見上卷胎不長養門

傷食論

產後形體勞倦。脾胃俱傷。是以新產之後。去膏粱。遠厚味。食粥茹蔬。以爲調攝。不知者。惟慮產後之虛。以厚味爲有補。更有本不思食。而強與之。胃雖少納。脾難轉運。易至食停。痞塞甚而傷食。發熱切。勿誤認爲陰虛。更有食滯腹痛。又勿錯疑爲血凝。治斯證者。體認正實。如發熱而飲食調者。方可補血。若惡食。噯酸者。食滯之徵。卽當扶元爲主。補氣養血。健脾助胃。審傷何物。佐以何藥。消導則脾氣復。而轉輸易。滯物行。而胃思穀矣。如此補消兼治。無有不安。故

善治者。治法有先後緩急。論證因塊痛有無。產後有日數。新久。能重產虛之本。而兼去停積之標。攻補如法。無不應手而愈。故有生化消食湯。健脾消食湯之分別施治。如誤服峻藥。過於消導。致不思穀。惟活命丹可救。予每見治產者。但知速消食物。反損正氣。益加滿悶。一劑不效。又加峻藥。一醫無功。又更一醫。先後互異。輕證反重。以致命絕。病家自歸命數。醫家以爲盡技。豈不惜哉。

生化消食湯 治產後塊痛未止。停食痞塞。

川芎 二錢

當歸 五錢 酒洗

乾薑 炙黑

炙草 各四分

杏仁 十粒去皮尖

神麴 炒

麥芽 炒各六分

水煎服。○傷肉食。加山楂 五分。砂仁 五分。○傷寒物。加

吳茱萸 一錢。肉桂 五分。○虛人。加人參 一錢。或二錢。

健脾消食湯 治產後塊痛已除。停食痞塞。

人參 二錢

當歸 三錢酒洗

川芎

神麴 炒各一錢

白朮 一錢五分土炒

山楂

砂仁 各六分

麥芽

炙草 各五分

水煎服。○或停寒日久。脾胃弱甚。雖藥不能即運。須以手揉按。或炒麩麩熨法亦妙。

長生活命丹 治過服消導之藥。致令少食。或本思食之人。反令絕食。

人參 三錢

用新礮。或銀吊。水鍾半。煎七分。再用飯鍋焦研粉。先用此須。以參湯調送二三茶匙。引開胃口。後漸漸加多。漸

加參湯。陸續調服。煎參不可用藥礮。恐聞藥發嘔。此方曾活數十餘命。神效。

忿怒氣逆論

產後忿怒氣逆。胸膈不舒。甚而作痛者。兼之血塊又痛。宜用木香生化湯。則自然血塊速化。怒氣易散。並治而不悖也。若輕產而重氣。偏用香附、烏藥、枳殼、香砂之類。以散氣行塊。而元氣反損。悶滿疼痛益增。非善治產者也。又如怒後卽食。胃弱停悶。已無塊痛。宜用健脾化食理氣湯。再審何物所傷。則佐以何藥消之。痛悶卽除。慎勿輕用檳榔丸。

流氣飲等方。以散氣化食。則虛弱產婦重虛之禍。不可勝言矣。

木香生化湯 治產後塊痛未除。日受氣惱至效。

川芎 二錢
當歸 六錢酒洗

乾薑 四分炙黑
陳皮 三分

木香 二分磨衝服

水煎服。○若怒後傷食。與傷食治同。審傷何物。以何藥消之。

健脾化食理氣湯 治產後無塊痛。而受氣傷食者。

人參

白朮土炒

當歸酒洗各二錢

川芎一錢

乾薑炙黑

炙草各四分

陳皮三分

水煎服。○如傷麪。加炒神麪。炒麥芽。○傷肉。加山查。砂

仁。○傷寒物。畱滯脇間作痛。加桂枝。吳茱萸。亦有止加

桂枝八分亦可。

頭痛論

人身之中。氣爲陽。血爲陰。陰陽和暢。斯無病矣。夫頭者。諸

陽之會也。產後去血過多。陰氣已虧。而虛陽失守。上湊於頭。則令頭痛。但補其血。則陽氣得從。而頭痛自止。間有敗血停畱子宮。厥陰之位。其脉上貫巔頂。作巔頂痛者。雖有身熱惡寒之候。只宜生化湯加減。慎不可用羌獨等藥。蓋由正陽虧損。濁陰得以犯上。陷入髓海。爲脹爲痛。是非清陽升復。則濁陰不降。在裡內起之邪。爲病。非若外入之邪。可表而愈也。況生化湯中。芎藭亦能散表邪。枳仁亦能逐瘀血。是又可兼治。再少爲因證加入。又何用另方輕產而施治乎。○尊生治血虛頭痛。用芎歸湯。治感冒頭痛。參蘇

芎歸湯。密齋治停瘀頭痛。用血證黑神散。○如正頭痛旦發夕死不治。

產後芎歸湯 治產後血虛頭痛。

當歸

川芎 各二錢五分

水煎服。○有汗是氣虛。加人參 五七分。桂心 三分。○感寒。加天麻、白芷、羌活、各四分。

參蘓芎歸湯 治產後感冒。

人參

紫蘓

乾葛

各一錢

當歸

川芎 各二錢

薑一片煎服。

生化湯

見本卷生化湯論後

血證黑神散

見上卷諸語門

心痛卽胃脘痛論

人之胃脘居於心下。產後或傷寒氣及冷物而作痛。因痛近於心。俗呼爲心痛。殊不知心爲君主之官。主血行氣。統馭臟腑。血氣盛則泰然安寧。血不足則怔忡驚悸不安耳。豈可痛乎。若寒傷心經。爲正心痛。與正頭痛證同。皆無藥

可救。手足甲見青黑色。旦發夕死。諸書論之詳矣。凡胃口痛。當散胃中之冷物。生化立效方治之。無有不安。若獨用熱藥攻寒。其痛雖止。而血妄行。反虛。產母。况寒者。必挾虛。而燥熱者。必佐陰藥。方能制其僭越也。至於綿綿而痛。當問血塊盡。又可揉按而少止。是虛。當用補劑。大抵產後寒食。上攻於心則心痛。下攻於腹則腹痛。治心腹之痛。大約相同。馮氏云。產後陰血虧損。隨火上衝心絡。名曰心胞絡痛。宜歸脾湯主之。醫通用理中。加當歸治之。

生化立效方 治產後因傷冷物。胃脘作痛。

川芎 二錢

當歸 四錢

薤仁 十粒、去皮尖、

乾薑 炙黑、

炙草 各五分、

肉桂

吳茱萸 各四分、

水煎服。○一方無薤仁。○傷肉食。加山查、砂仁。○傷麪

食。加炒神麪、炒麥芽。○大便秘。加酒洗苳蓉。○尊生云、

如不止。蒲黃 二錢五分、五靈脂 一錢四分、木通 一錢、赤

芍 一錢、沒藥 一錢、延胡 一錢五分、薑黃 一錢五分、鹽滷

一滴、此蓋因瘀作痛。服前藥痛仍不止而用也。

歸脾湯

見上卷胞漏小產門

理中湯

見上卷瘧門附枳實理中湯下

腹痛論

產後腹痛。先問血塊。如有血塊。只服生化湯。甚則調失笑散。其塊消而痛自止。尊生亦用生化湯。稍久始調失笑散。下延胡一錢。若風冷乘虛入腹。或內傷寒涼之物作痛。得人按摩畧止。或熱物熨之畧止。宜加味生化湯。密齋用當歸建中湯治之。馮氏云。產後惡露。或因外感六淫。內傷七氣。致令斬然而止。瘀血壅滯。所下不盡。故令腹痛。當審因

治之。如產後數朝內。飲食如常。忽作腹痛。六脉沉伏。四肢厥冷。此惡血不盡。傷食裹血。而脉不起也。不可誤認氣血兩虛。而用大補。須兼消導行血之藥。但產後惡露不盡。留滯作痛。亦常有之。然與虛痛不同。必其由漸而甚。或大小便不行。或小腹鞭實作脹。痛極不可近手。或自下上衝心。腹或痛極。牙關緊急。有此實證。當速去之。近上者。宜失笑散。近下者。宜通瘀煎。未效用。決津煎爲善。又有腹痛定於一邊。及小腹者。此是側臥。敗血畱滯所致。醫通用四烏湯。加蓬朮。然亦不若決津煎爲當也。金匱云。產後腹中疝痛。

當歸生薑羊肉湯主之。蓋疔痛者。緩緩痛也。屬客寒相阻。故以當歸通血分之滯。生薑行氣分之寒。君以羊肉者。所謂形不足。補之以味。况羊肉又能補氣。疔痛屬氣弱。故宜之。若婦人產當寒月。寒氣入產門。臍下脹痛。手不可犯。此寒疝也。亦宜當歸生薑羊肉湯治之。密齋云。產時寒氣客於子門。入於小腹。或坐臥不謹。使風冷之氣。乘虛而入。此寒疝。但不作脹。且無形影爲異。治以金鈴子散。予考金匱密齋之論寒疝不同。金匱云。臍下脹痛。手不可犯。蓋有寒凝瘀滯也。密齋云。但不作脹。且無形影。是無瘀滯也。又有

產後脾虛、腎虛、而爲腹痛者。此不由產。而由臟氣不足。若脾氣虛寒。爲嘔吐。爲食少。而兼腹痛者。宜五君子煎。及六君子湯主之。若腎氣虛寒。爲瀉。爲痢。而兼腹痛者。宜胃關煎。或理陰煎主之。馮氏用六君子湯。送四神丸治之。若胸膈飽悶。或惡食吞酸。腹痛手不可按。此飲食所傷。治法見傷食門。若食既消。而仍痛。按之不痛。更加頭痛。煩熱。作渴。惡寒。欲嘔。等證。此是中氣被傷。宜溫補脾胃爲主。若發熱。腹痛。按之痛甚。不惡食吞酸。此是瘀血停滯。失笑散消之。若止發熱。頭痛。腹痛。按之却不痛。此是血虛。初產生化湯。

日久用四物加炮薑參朮以補之。若產後惡露既去而腹仍痛。四神散調補之。不應八珍湯治之。醫通云。若下焦虛寒。用六味丸加桂。

加味生化湯 治產後風冷。或傷寒物。腹痛。

川芎 二錢

當歸 四錢

炮薑 四分

桃仁 十粒。去皮尖

炙草 五分

桂枝 四五分

水煎服。○傷食。照生化立效方加法。○尊生於生化湯

內加炒白芍 五分。桂枝 五分。痛止減去。

當歸建中湯 治風冷乘虛入腹。或傷寒冷物腹痛。

當歸

酒洗

白芍

酒炒

桂心

炙草

各二錢

薑玉片。棗三枚。水煎。入飴糖三匙。攪勻。熱服。

金匱當歸生薑羊肉湯 治產後腹中疴痛。及寒月

生產。寒氣入於子門。手不可犯。臍下脹滿。並治寒

疴。虛勞不足。及脇痛裏急者。

當歸

一兩

生薑

一兩五錢

羊肉

二觔。生

先煮羊肉去滓及沫。取清者。煮當歸生薑。溫分三服。亦有加入葱椒鹽以適口者。○若寒多者倍生薑。○痛多而嘔者加橘皮土炒白朮。○後人治產後腹中疴痛用大劑人參阿膠生薑煎服效。此卽當歸生薑羊肉湯之變法。

金鈴子散 治產後寒氣入於小腹而爲寒疝。非若血滯之作脹而有形影者。

川楝子 去核

小茴香 炒

補骨脂

桂 心 各一錢

薑引水煎。加木香一錢。水磨汁。和勻食前熱服。予謂木

香磨汁。二三分衝服亦足矣。

五君子煎 治脾胃虛寒。嘔吐泄瀉而兼濕者。

人參 二三錢

白朮 土炒

茯苓 各二錢

乾薑 一二錢炒黃

炙草 一錢

水煎服。

胃關煎 治脾腎虛寒作瀉。或甚至久瀉。腹痛不止。

冷痢等證。

熟地 三五錢

山藥 炒

白扁豆 炒各二錢

吳茱萸 五七分製

焦乾薑 一錢

白朮 一二三錢土炒

炙草 一二錢

水煎服。○瀉甚者加麪煨肉豆蔻 一二錢。或破故紙亦

可。○氣虛勢甚者加人參隨宜用。○陽虛下脫不固者

加製附子 一錢。○腹痛甚者加木香 七分。或加製厚朴

亦可。○滯痛不通者加當歸 二三錢。○滑脫不禁者加

烏梅 二個。或北五味 二十粒。○若肝邪侮脾者加肉桂

一錢。

四神丸 治腎虛肝氣逆不能消尅。腹脹泄瀉並治。

五更腎瀉神效。

補骨脂

四兩酒浸一宿炒。

肉豆蔻

二兩麪裹煨去麪。

吳茱萸

一兩鹽湯泡。

五味子

三兩或二兩炒。

爲末。蒸餅丸。或薑煮棗取棗肉去薑搗爲丸。梧子大。每

服二錢。米湯溫酒任下。○一方補骨脂肉豆蔻等分。吳

茱萸五味子減半。○

止用補骨脂肉豆蔻二味。棗肉爲丸。名二神丸。治五更早瀉功同。

四神散

治產後血虛或瘀血腹痛。

當歸 二錢

川芎

白芍

炒透各一錢

炮薑

五分

水煎服。○予謂白芍治血虛腹痛則可。若治瘀血作痛。未必然也。今炒透而與炮薑合用。故血虛瘀痛兼治之。

生化湯

見本卷生化湯論後

失笑散

見中卷胞衣不下門

通瘀煎

決津煎

俱見上卷鬼胎門

四烏湯

六君子湯

八珍湯

六味丸

俱見上卷諸痛門

理陰煎

見上卷惡阻門

四物湯

見上卷安胎門

小腹痛並兒枕論

產後虛中感寒。及飲食冷物。下攻小腹作痛。前已論之矣。又有因血虛痛。及小腹者。亦服生化湯妙。至血塊作痛。作名兒枕痛者。亦用生化湯。不應用延胡生化湯。均可。馮氏

用芎歸、益母、山查、香附、陳皮煎服。甚者加炒五靈脂、密齊云、臍下胞胎所繫之處。血之所聚也。產後血去不盡。卽成小腹痛證。刺痛無時。痛則有形。須臾痛止。又不見形。血證黑神散主之。然有產婦小腹作痛。服行氣破血藥不效。其脉洪數。此瘀血內潰爲膿也。是因營衛不調。瘀血停滯。宜急治之。緩則腐化爲膿。最難治療。若流注關節。則患骨疽。失治多爲敗證。脉數而洪。已有膿。遲緊乃瘀血也。下之愈。若腹脹大。轉側作水聲。或膿從臍出。或從大便出。用蠟攀丸、太乙膏下膿而愈。

延胡生化湯 治小腹兒枕塊痛。

川芎 二錢

當歸 四錢 酒洗

桃仁 十粒 去皮尖

炮薑

炙草 各四分

延胡 一錢

水煎服。○或用生化湯送延胡索散一錢治同。亦能治寒氣痛。○如無塊。但小腹痛。可按而止者。屬虛。以生化湯加入延胡索散。再加入熟地 二錢。

延胡索散

肉桂

延胡

胎產心法

卷下

小腹痛並兒枕方

五

各等分。合爲細末。聽用。

蠟礬丸 治一切瘡癰惡毒。先服此丸。護膜托裏。使毒不攻心。或爲毒蟲蛇犬所傷。並宜服之。

黃 蠟 二兩

白 礬 一兩

先將蠟溶化。候少冷。入礬和勻爲丸。如小菉豆大。每服十丸。或二十丸。漸加至百丸。則有力。瘡愈後。服之亦佳。○一方。加雄黃。名雄礬丸。治蠱毒蛇犬蟲咬毒。○黃蠟甘溫。白礬酸澁。並能固膜護心。解毒定痛。托裏排膿。使毒氣不致內攻。故外科諸證之所必用也。

太乙膏 治內外一切癰瘍。

黑參

白芷

歸身

肉桂

大黃

赤芍

生地 各二兩

右切爲片。麻油二觔。浸。春五、夏三、秋七、冬十日。煎熬去滓。攄淨。再熬。徐下黃丹。不住手攪。滴水不散爲度。內癰可丸服之。

生化湯

見本卷生化湯論後

血證黑神散

見上卷諸語門

腰痛論

產△後△腰△痛△者△。由腎位繫胞。腰爲腎府。產則勞傷腎氣。損動胞絡。或虛未平復。而風冷乘之。二者皆致腰痛。若寒冷邪氣。連滯背脊。痛久未已。後忽有孕。必致損動。宜養榮壯腎湯主之。如產後日久腰痛。濟陰大造丸治之。如惡露方行。忽斷絕不來。腰中重痛。下注兩股。痛如錐刺入骨。此血滯經絡。不卽通之。必作癰疽。醫通用調經散。加陵鯉甲。或琥珀地黃丸亦宜。切勿誤用五積散等辛溫之藥。蓋五積之

治瘀血作痛。以蒼朮爲君。麻黃爲臣。厚朴、枳殼爲使。雖有歸芍之補血。僅及蒼朮三分之一。不思產後之婦。卽有寒邪。血氣未克似難發汗。不過借藥性溫和。可以推陳致新。豈可用麻黃之悍。蒼朮之燥散。虛而又虛。禍不旋踵矣。

養榮壯腎湯 治產後腰痛。屬勞傷。或風寒所乘。

當歸 二錢

獨活

桂心

川芎

杜仲

鹽水製斷絲

續斷

製取淨肉

桑寄生

各八分。取正桑樹上者。

防風

四分

胎產心法

卷下

腰痛方

六

生薑三片煎服。○如服二貼後。疼痛不止。腎虛也。加熟

地三錢再服。○失血過多者。加當歸二錢。蜜炙黃耆酒

炒白芍。各一錢五分。

局方調經散 治產後敗血。乘虛停積於五臟。循經

流入於四肢。畱滯日深。腐壞如水。漸致身體面目

浮腫。或因產敗血上干於心。心不受觸。致心煩躁。

卧起不安。如見鬼神。言語顛倒。並宜服之。

赤芍

沒藥 別研、

琥珀 別研、

桂心

當歸 各一錢

細辛 去苗

麝香 別研各五分

右爲末。和勻。每服一錢。溫酒。入生薑少許服。○一方。每服五分。以痛止爲度。

琥珀地黃丸 治產後惡露未淨。胸腹痛。小便不利。

琥珀 別研

延胡 同糯米炒。去米。

當歸 各一兩

蒲黃 四兩。生半。炒半。

乾生地 八兩

生薑 一觔

右將地黃咀碎酒浸。生薑切片。各搗取汁畱滓。無油杓

中。用薑汁炒地黃滓。地黃汁炒薑滓。各乾爲末。忌犯鐵器。煉白蜜爲丸。彈子大。每服一丸。空心當歸煎湯調服。

濟陰大造丸

見上卷補益門

脇肋痛論

產後脇痛。乃敗血流入肝經。其厥陰之脉。循行脇肋。故作痛。此證有虛實。宜分治之。不可誤也。如脇下脹。手不可按。是瘀血也。宜去其血。芎歸瀉肝湯主之。如脇下痛。喜人按。其氣閃動。肋骨狀若奔豚者。此去血太多。肝藏虛也。當歸地黃湯主之。醫通云。脇痛宜分左右。蓋左屬血。血藏於肝。

肝傷有死血故痛。加減小柴胡湯。右屬脾。脾有痰積則痛。加減補中益氣湯。左右俱痛者屬虛。補中益氣湯加桂。下六味丸。然痰氣亦有流於左脇。必與血相持而痛。血積亦有傷於右脇。然必因脾氣衰而致。又左有怒氣傷肝。右有氣鬱傷脾。不因血與痰而痛。其間治法。善雜證者。可默悟矣。馮氏云。產後脇痛。若肝經血瘀。延胡索散。若肝經氣虛。四君子加柴胡。薄荷桂。若肝經血虛。四物加參朮柴胡。若腎水不足。不能生肝。六味丸。若肺金勢盛。尅制肝木。瀉白散。然若不用薑桂辛溫。助脾肺以行藥力。不惟無以施功。反

添其脹矣。尊生云、肋[△]痛屬氣滯。歸芍清肝飲治之。蓋肋與脇部位不同。不可認而爲一。腋之下有骨處爲肋。肋之下、無骨處爲脇。

芎歸瀉肝湯 治產後瘀血脇痛。手不可按。

歸尾 一錢

川芎

香附 童便製各八分

青皮

枳殼 麸炒各六分

枳仁 八粒 去皮尖

紅花 四五分

水煎熟。去滓。入酒。童便服。○瘀甚。藥分兩或可加倍。

當歸地黃湯 治產後肝血去多。脇虛而痛。

人參

當歸 酒洗、

白芍 酒炒、

熟地 各一錢五分

陳皮

炙草

桂心 各一錢、

薑棗引。水煎服。

加減小柴胡湯 治產後左脇痛。

小柴胡湯 見上卷 去黃芩。加丹皮、製香附、薄桂、當歸、童便。

加減補中益氣湯 治產後右脇痛。

胎產心法

卷下

脇肋痛方

六

補中益氣湯

見上卷諸痛門

去升麻。加葛根、製半夏、茯苓、麩炒枳

殼。生薑引。

瀉白散

○附加味瀉白散

治肺火喘嗽氣急。手足心

發熱。

桑白皮

薑汁和蜜炙

地骨皮

各一兩

炙草

五錢

粳米

百粒

爲散。每服四五錢。○一方、米不爲散。用米、並竹葉爲引。水煎服。○加橘紅、桔梗。各加味瀉白散。

歸芍清肝飲

治產後氣滯、肋痛。

當歸 一錢五分

白芍

桔梗 各六分

檳榔

枳殼 麸炒各三分

桂心

青木香

柴胡 各二分五厘

水煎服。

補中益氣湯 見上卷諸痛門

六味丸 見上卷諸痛門附六味地黃湯下

延胡索散 見本卷小腹痛門

四君子湯 見上卷胎逆上逼門

四物湯

見上卷安胎門

手足身痛論

產後遍身疼痛者。因產百節開張。血脉流散。氣弱不克。則經絡間。血多凝滯不散。筋脉急引。骨節不利。故有腰背不能轉側。手足不能伸屈。或身熱頭痛者。起痛散主之。若誤作傷寒。發表汗出。則筋脉瞤動。手足厥冷。變為痙證。又當十全大補湯也。若指節疼痛。補中益腎湯足膝腫或痛。獨活寄生湯。醫通云。產後敗血。或流於腰胯。或流入脾股痛。不可拊。痛處熱腫。流注日深。漸至身面浮腫。調經散。或琥

珀地黃丸最當。若虛風所侵。以致肢體沉重不利。筋脉急引。發熱頭痛。四神散。加桂枝、薑、棗。和營止痛最捷。勿誤爲傷寒治也。以手按而痛亦甚。是瘀滯。按而痛少緩。是血虛。以此別虛實。庶無差謬。馮氏云。產後手足身痛。是血虛。不能榮也。手足走痛者。是氣血不能榮養四末。而濁氣流於四肢。則腫。陰火遊行。四旁則痛也。不出養榮加黑薑主之。起痛散。治產後遍身疼痛。由氣血虛有滯。不可誤作傷寒施治。

當歸

二錢酒浸

黃耆

一錢蜜炙

白木

土炒

淮牛膝

蒸

獨活

肉桂

韭白

各八分

甘草

三分

薑三片。水煎熱服。○曾生方無黃耆。韭白止五分。

補中益腎湯 專治產後虛勞。指節疼痛。頭疼汗出。

人參

黃耆

蜜炙

淡豆豉

各一錢

當歸

二錢酒浸

韭白

五分

生薑

三片

猪腎

一付

先將猪腎煎熟。取汁二盞。煎藥八分。溫服。

十全大補湯

見上卷胎不長養門

獨活寄生湯

見上卷諸痛門

調經散

琥珀地黃丸

俱見本卷腰痛門

四神散

見本卷腹痛門

養榮湯

見本卷脫汗亡陽門

發熱論

產後七日內外發熱。其證多端。除傷食發熱。已論見傷食

胎產心法

卷下

發熱論

七

門矣。然又有發熱惡寒頭痛似太陽證。或寒熱頭痛脇痛。似少陽證。皆由氣血兩虛。陰陽不和。其狀頗類傷寒。治者。慎勿輕產。而執偏門。以麻黃湯治類太陽證。以柴胡湯治類少陽證。蓋產後大血空虛。一經發汗。重則亡陽。輕則筋惕肉瞤。或鬱冒昏迷。或搐搦便秘。變證百出矣。昔仲景云。亡血家不可發汗。丹溪云。產後切不可發表。二先生非謂產後無傷寒之證也。非謂柴胡麻黃湯之不爲對證也。誠恐後學執偏門而輕產。泥成方而發表耳。雖明知感有外邪。其生化湯內芎藭。亦能散之。否則辛散生化湯亦可。何。

用發表以犯不可汗之禁。平產時傷力發熱去血過多發熱惡露不快發熱三日蒸乳發熱早於起床勞動發熱多因血虛陽無所依浮散於外而爲熱。只服生化湯二三劑去惡生新陽生陰長其諸熱悉能退之。尊生用丹溪法以四君子湯加芎歸黃耆炮薑治產後發熱亦甘溫除大熱意也。又云大熱面赤大渴脉洪大而虛者黃耆當歸等分煎服此倣當歸補血湯也。馮氏用四物爲君去川芎生地換熟地加軟苗柴胡人參炮薑治熱最效。此亦取炮薑收其浮散之熱而兼芍藥斂陰之意。予謂當分塊痛有無如

七日內。尙有塊痛。及初產時發熱。自宜生化湯爲妙。其參、
耆、柴、朮、地、芍。尙須緩用。若無塊痛。產日已久。尊生馮氏之
方。亦合經旨也。養葵云。如胎前原有陰虛火證。產後去血
過多。必大熱煩躁汗出等證。若大補氣血。其證必甚。當用
逍遙散。以清肝火。養肝血。因其去血旣多。肝虛血燥之故。
不可泥於氣血兩虛而治。予謂此以肝虛有火立論。當以
脉候參詳可耳。薛立齋又云。新產婦人。陰血暴亡。陽無所
附。而外熱。宜四物加炮薑。補陰以配陽。若係誤用寒涼。尅
削之劑。而外熱者。此爲寒氣格陽於外。宜四君子加薑桂。

不應急加附子。若肌膚發熱。面赤大渴引飲者。此血脫發燥也。當歸補血湯。又曰。產後虛煩發熱。乃陽隨陰散。氣血俱虛。故惡寒發熱。若誤作火證。投以寒涼。誤作表證。輕用表散。禍在反掌。予謂立齋之論。及治法。深得產後之要。但四物加炮薑一方。不若易生化湯。則全美矣。

辛散生化湯 ○附辛散湯 治產後感冒風寒。惡寒發

熱頭痛。

川芎 一錢五分

當歸 三錢

炙草

乾薑 炙黑

羌活

防風 各四分

桃仁

十粒，去皮尖

水煎服。○若頭疼身熱不除，加白芷八分，細辛三分。○

頭疼如破，加連鬚蔥頭五根。○虛，加人參二三錢。○一

方，用生化湯，加白芷八分，羌活，細辛各四分，蔥頭五根。

不用防風，通治之。虛亦加人參。名辛散湯。○予謂產後
七日前，當用生化湯。七日後，可用此方。

當歸補血湯 治血虛至夜發熱，煩渴引飲，其脉洪

大而虛，重按全無者。

黃 著 六錢、蜜酒炙、

歸 身 二錢、

水煎服。

生化湯 見本卷生化湯論後

四君子湯

逍遙散 俱見上卷胎逆上逼門

四物湯 見上卷安胎門

大便燥秘論

產後大便燥秘。由於去血過多。胃中枯燥。精微不及下輸。以至糟粕壅滯不通。况大腸生津。產婦內亡津液。則乾涸。

失其傳導變化之權。故令便難。多服生化湯。則血旺氣順。自潤而通。或服養正通幽湯。亦可。倘不大便而無所苦。卽勿藥。亦可。所以產後每至三五日之久。甚至八九日而大便始通者。皆其常也。卽有似傷寒三陰證。潮熱汗出。或口燥腹滿。或譫語便秘。燥糞宜下等證。乃氣血枯竭。虛證類實。慎勿執偏門而輕產。妄議三承氣湯以下之。或有血虛火燥不便者。不可計其日數。必待腹滿覺脹。欲自去而不能。此乃結在直腸。用潤腸粥潤之自通。全書用濟川煎主之。慎不可用導法。倘潤之不通。勢急有無可如何者。用蜜

煎導之。將蜜煎褐色。成膏。入水。捏成棗樣。納入肛門。其結糞自化而出。或削醬瓜。醬薑。如蜜棗導法。此亦權宜之計耳。惟猪膽汁導。切記禁用。以其苦寒。誤用每至發呃。倘服苦寒藥攻通。反傷中焦元氣。或愈結難通。或通泄不止。斯成敗證矣。醫通云。血虛火燥。用四物湯。加何首烏。潤下之。立齋云。若去血過多。十全大補湯。氣血俱虛。用八珍湯。如數日不通。飲食如常。腹中如故者。八珍加菟仁、杏仁治之。馮氏云。大便難。惟宜調中養血。切不可單用麻仁、枳殼。徒耗腸胃。中生養之氣。而無功也。有治大便日久不通。大料

芎歸服至觔數。方得取效。仍兼服潤腸粥。如大小便俱秘。惡露不行。方論俱見惡露不下門。

養正通幽湯 治產後大便燥秘。

川芎 一錢或一錢五分或二錢 當歸 四錢或六錢

芡仁 十粒去皮尖 炙草 五分

陳皮 四分 麻仁 一錢或一錢五分

肉苳蓉 一錢或二錢酒洗去泥用

水煎服。○一方無苳蓉。○如有血塊痛加肉桂炒延胡索各五分。不用苳蓉。○如氣虛多汗加蜜炙黃耆一錢。

人參 一二錢。一方、再加麻黃根 一錢。○燥渴、加去心麥

冬 一錢五分。人參 一二錢。一方、再加五味子 七粒。○腹

滿便實。加去心麥冬 一錢。麩炒枳殼 六分。○汗出譫語

便實。乃氣血並竭神衰。心主失守。宜養氣安神。加茯神、

炒棗仁、製遠志肉、炙黃耆、栢仁、菴蓉 各一錢。人參、土炒

白朮 各二錢。更須與妄言妄見門參治。

潤腸粥 治產後日久便秘不通。

芝 一升、

研爲末。和粳米二合煮食。腸潤卽通。

濟川煎 凡病涉虛損、而大便閉結不通。其攻擊等藥萬不可用。若勢有不得不用通者。此方主之。此用通於補之劑也。最妙。

當歸

三五錢

牛膝

二錢蒸

肉蓯蓉

二三錢酒洗去酒

澤瀉

一錢五分

升麻

五七分

枳殼

一錢用 煨炒虛甚者不

水一鍾半。煎七分。食前服。○如氣虛。但加人參無碍。○如有火。加酒炒黃芩。○如腎虛。加熟地。

生化湯

見本卷生化湯論後

十全大補湯

見上卷胎不長養門

四物湯

見上卷安胎門

八珍湯

見上卷諸痛門

類瘧及寒熱往來論

產後痞瘧。在初產時絕少。卽胎前久瘧淹纏。產後裏氣通達。無不霍然。卽有半月內外。寒熱往來。每日應期而發。或一日二三度。其證類瘧。皆由產後氣血虛損。陽虛作寒。陰虛發熱。或晝輕夜重。或日晡發熱。或有汗。或頭有汗而不及身足。此乃元氣虛弱。孤陽絕陰之證。俱宜滋榮益氣扶

正湯間服六味丸。以退寒熱。如寒熱往來。頭痛無汗。加減
養胃湯治之。若寒熱已久。無汗者。兼煎參朮膏。以助養胃
湯藥力。慎不可作瘧治。而用柴胡湯。及芩連枝栝。以退熱。
草菓。檳常。以絕瘧而誤人也。至於陰陽不和。乍寒乍熱。參
歸湯治之。全書云。陰勝寒多。理陰煎。陽勝熱多。三陰煎。陽
氣陷入陰中。補陰益氣煎。陰陽俱虛。八珍十全。敗血不散。
流入陰中。而作寒熱。決津煎。殿胞煎。

滋榮益氣扶正湯 治產後寒熱往來。有汗。每午後
應期而發。

人參

熟地

各二錢

川芎

黃耆

蜜炙

麥冬

去心各一錢

當歸

三錢

白朮

一錢五分土炒

陳皮

四分

炙草

五分

水煎服。間服六味丸。○或加柴胡

八分

青皮

三分

烏梅

二個

○汗多加麻黃根

一錢

一方引加浮小麥一撮不

加麻黃根。

加減養胃湯

治產後已及一月類瘧。並治寒熱往

來。頭痛無汗。

人參 一錢五分、

川芎

茯苓

蒼朮

米泔水製炒、各一錢、

當歸 三錢、酒浸、

藿香

炙草

橘紅 各四分、

半夏 八分、製、

薑一片。棗二枚。水煎服。○有痰。加竹瀝、薑汁。一方、無製半夏。有痰方加入。○久類瘧無汗。兼服參朮膏助之。

參朮膏

人參

白朮 土炒各四兩

水六碗。各煎取汁三碗。如法再煎三次。取汁共九碗。再共熬至一碗。每日服半酒鍾。白滾水化下。

參歸湯 治產後陰陽不和。乍寒乍熱。

當歸 酒洗

炮薑 一錢

人參

白芍 炒

川芎

炙草 各八分

水煎服。

三陰煎 治肝脾虛損。精血不足。及營虛失血等病。

凡中風血不養筋。及瘧證汗多。邪散而寒熱猶不止者。

人

參

隨宜

當

歸

二三錢

熟

地

三五錢

芍

藥

酒炒

棗

仁

各二錢

炙

草

一錢

水二鍾。煎七分。食遠服。○如嘔惡。加生薑三片。○汗多。

煩燥。加五味子

十四粒

○汗多氣虛。加蜜炙黃耆

一二

錢。

○小腹隱痛。加枸杞

二三錢

○如有脹悶。加陳皮

一

錢。

○如腰膝筋骨無力。加炒杜仲。蒸淮牛膝

各一錢

補陰益氣煎

人

參 一二錢

當歸

山

藥 酒炒各二三錢

熟地 三五錢

陳皮

炙草 各一錢

升

麻 三五分若火浮於上者去此不用

柴胡 一二錢如無外邪不用

薑三片煎服。○此補中益氣湯之變方。治勞倦傷陰精

不化氣。陰虛外感痲瘧。並便結不通。凡屬陰氣不足而

虛邪外侵者。用此升散。無不神效。

六味丸

見上卷諸痛門附六味湯下

理陰煎

見上卷惡阻門

八珍湯

見上卷諸痛門

十全大補湯

見上卷胎不長養門

決津煎

見上卷鬼胎門

殿胞煎

見本卷三審門

胎產心法卷之下

胎產心法卷之下

類中風痙瘓及語澁口噤不語筋攣瘰癧等證論

凡婦人衝脉爲血脉之海。若血脉充足。流暢無滯。氣血衝和。則關節清利。而無病矣。至於產後勞損。臟腑氣血暴竭。百骸少血。濡養多有。陰虛內熱。熱極生風。雖外證如風實內臟陰血不足。氣無所主。卒爾口噤牙緊。唇青肉冷。汗出或唇口喎僻。手足筋脉攣搐。諸證類於中風者。或因血氣耗損。腠理不密。汗出過多。神無所主。致角弓反張。此乃厥

陰虛極類瘧瘧者在傷寒之家雖有剛柔之分而產後無
非血燥血枯之證總宜養陰補血血長而虛風自滅任其
痰火乘虛泛上皆當以未治之母執偏門而用治風消痰
之方以重虛產婦也治初產當服生化湯以生旺新血如
見危證三貼後卽用人參益氣以救之如有痰有火或少
佐橘紅竹瀝薑汁其黃連芩栢不可並用胆心蘓子尤不
宜加慎之慎之如產已數日腹無塊痛卽用滋榮活絡湯
如語澁四肢不利宜天麻湯密齋治語言蹇澁加味生麥
散治汗多口噤背反氣微類瘧用止汗生血飲治無汗筋

學用芎歸棗仁湯。諸書所用悉皆參附十全理陰大補元煎之類。溫養而竣補之。從未有以風痰治之者。昔立齋用十全大補治口噤。它開口灌之。如不得下。令側其面出之。仍灌熱者。又冷。又灌。數次。卽能下而甦矣。醫通云。口噤則挾齒灌之。斷噤。則灌入鼻中卽蘓。此古人救急灌法。不可不知。至於治口噤不能爲語。竣補之中。少兼通心氣之藥。治之。故密齋尊生俱用七珍散。以通心氣也。馮氏治產後癰瘕。用八珍加丹皮。鈎藤。以生陰血。不應用四君子。芎歸。丹皮。鈎藤。補脾土。蓋血生於至陰。至陰者。脾土也。且氣有

生血之功耳。再此證。如傷寒誤汗亡液。誤下亡陰。潰瘍濃血大下之後。小兒吐瀉之後。悉多患之。故在產後。亦惟去血過多。或大汗。大瀉而然。其爲元氣虧極。血液枯敗。可知。若肢體惡寒。脉微細者。此爲正狀。若脉浮大。發熱煩渴。此爲假象。惟當固本爲善。若至於無力抽搐。戴眼反折。汗出如珠。兩手撮空者。不治。尊生治產久拘攣。不宜補者。用舒筋湯治之。

昔余奉

差督運。亡室因胎前過月不生。忽患子癇證。誤爲醫人認傷

寒胎死。用承氣調天水散下之。及產後惡露卽停止不行。此原非瓜熟自落。乃惡露隨胎爲藥所逐。則一時盡下。非有瘀滯不行也。所以腹無塊痛。醫者不明此理。不問塊痛有無。用牡丹皮、澤蘭等藥。以致有形之血不生。無形之氣更傷。是以隨變神脫。妄言妄見。虛火引痰上升。治者猶不知此孤陽浮越之候。復不辨脉證。仍進逐瘀退熱之劑。病勢愈深。豈知產後大虛。再經辛散消尅。則神愈亡。而血愈竭。是以心血竭。而妄言愈甚。肝血竭。而內虛生風。成搐。肺氣竭。而發喘。鼻孔黑如烟煤。脾氣竭。而四肢不爲所用。胃

中元氣告匱。不能散精。痰壅愈甚。治之者。仍不識爲虛證。反用胆星、蘓子、以化痰降氣。梨汁以清痰降火。殭蠶、柴胡、天麻、以止搐。諸如此等藥類。雜進交功。罔知顧本。遂致殞命。良可慟也。

滋榮活絡湯 治產後口噤、項強、筋搐、類中風證。

人參 二錢、或三錢、

川芎

茯神 各一錢、

當歸 三錢、酒浸、

黃耆 一二錢、蜜炙、

麥冬 一錢二分、或一錢、去心、

天麻 八分、或一錢、

熟地 二錢、

陳皮

荊芥

防風

羌活

炙草

各四分

黃連

三分薑汁炒

水煎服。○有痰加半夏

七分製

竹瀝

七分

薑汁

少許

○

有肉食加山查砂仁麪食加神麪麥芽○大便秘加肉

蓯蓉

一錢五分酒洗去泥

○渴加麥冬乾葛各八分○

汗加麻黃根

八分

○驚悸加酸棗仁

一錢去殼

天麻湯 治產後中風恍惚語澁四肢不利

人參

棗仁

炒

茯神

遠志

淨肉製

山藥

栢子仁

麥冬

去心各一錢

當歸

一二錢

石菖蒲

半夏麴

南星麴

各八分

川芎

羌活

各七分

天麻

防風

各五分

細辛

四分

或煉蜜爲丸。硃砂爲衣。淡薑湯送。

加味生脉散

治產後去血太多。心血虛弱。不能上

榮於舌。語言不清。含糊蹇澁。

人參

麥冬去心

歸身

生地

炙草

石菖蒲各一錢

五味子

十三粒搥碎

獾猪心一個。劈開。水二盞。煎至一盞半。去心。入藥。煎七分。食後服。○此方治怔忡甚效。

止汗生血飲 治產後汗出多。而口噤不開。背強而直。氣息欲絕類瘧證。宜速治也。

當歸 二錢、酒浸、

川芎

麻黃根 各一錢

桂枝

羌活

防風

羚羊角

天麻 各六分

附子 製

炙草 各四分

水煎服。○一方、有人參一錢。

芎歸棗仁湯 治產後無汗、筋脉拘攣、類瘧證。

當歸 二錢、酒洗、

川芎

防風 各一錢

棗仁 五分、去殼、炒研、

水煎服。○一方有羌活 七分。

七珍散 治產後敗血停積。閉於心竅。神志不明。蓋

心氣通於舌。心氣閉。則舌強不語。

人參

石菖蒲 各一錢、為散、各一

川芎 一錢

為散、七錢五生 地 一錢、為散、易炙甘

細辛 二分

為散、二錢五薄 荷 一分、為散、無此味

防風

五分、一方四分、辰 砂 五分、研 為散、三錢

尊生合生化湯服。○一方、為散。薄荷湯調服三錢。

舒筋湯 治產後日久拘攣。不宜用補劑者。

胎產心法

卷下

類中風症及諸症口 禁不語筋牽癱瘓等證方

三

羌活

薑黃

炙草 各二錢

海桐皮

當歸

赤芍 各一錢

白朮 一錢土炒

沉香 少許

薑煎參證治。

參附湯

人參

當歸 酒浸各二三錢

肉桂 八分或一錢

黃耆 蜜炙

白朮 土炒各一錢五分

熟地 二錢

製附子 四分或六分
炙草 四分

生化湯 見本卷生化湯論後

加參生化湯 見本卷暈厥門

十全大補湯 見上卷胎不長養門

理陰煎 見上卷惡阻門

大補元煎 見本卷惡露不止門

八珍湯 見上卷諸痛門

四君子湯 見上卷胎逆上逼門

怔忡驚悸並虛煩煩燥論

胎產心法

卷下

怔忡驚悸並虛煩煩燥論

三

產婦憂驚勞倦。去血過多。則心中燥動不寧。謂之怔忡。若惕然而驚。心中怯怯。如人將捕之狀。謂之驚悸。治此二證。惟調和脾胃。補養心血。俾志寧神定。氣舒心安。而病愈矣。如分娩後。血塊未消。宜服生化湯。以補血行塊。連服數劑。則血旺而怔忡驚悸自平。不必加定志安神之品。如塊痛已止。服加減歸脾湯。如心中驚悸。目睛不轉。而不能動。診其脉動而弱者。宜養血。佐以安神藥。養心湯主之。素壯火盛者。兼服安神丸。如虛煩不眠。亦心虛所致。加減歸脾湯並治之。孫正人用人參丸。治驚悸不眠亦效。至於煩燥不

寧亦宜分塊痛有無如塊痛未除有瘀血也生化湯調失笑散如塊痛已止是虛或有熱人參當歸湯治之。

加減歸脾湯 治產後血塊痛止怔忡驚悸。

人參

茯苓

棗仁 炒

麥冬 去心

黃耆 蜜炙

白朮 土炒各一錢

當歸 二錢酒浸

川芎 八分

遠志肉 六分製

陳皮

炙草 各四分

龍眼肉 八枚

胎產心法

卷下

產後驚悸

合

薑一片。水煎服。○虛煩。加竹茹一團。○有痰。加竹瀝。薑汁。或更加栢子仁。○一方。茯苓、易茯苓、神無川芎、陳皮。有木香。二分。

養心湯 治產後心血不寧。驚悸不安。

人參 一錢五分

當歸身 二錢酒浸

黃耆 蜜炙

麥冬 去心

棗仁 炒

栢子仁 各一錢

茯神

川芎

遠志肉 製各八分

五味子 十粒

炙草 四分

水煎服。

安神丸 治產後怔忡驚悸素壯火盛者。

歸身 酒浸

生地 各三錢

黃連 二錢炒

甘草 五分炙用生用俱可

以上四味共爲末蒸餅丸如菉豆大以硃砂爲衣每服四十丸。

人參丸 治產後大虛心悸志意不安恍惚恐懼虛

煩不眠少氣。

人參

茯苓

麥冬

去心

薯蕷

各二兩

澤瀉

菖蒲

乾薑

桂心

甘草

各一兩

共爲末。白蜜和棗膏丸。如梧子大。空心酒服二十丸。

早晚服。

人參當歸湯 治產後塊痛已止。或虛。或虛而有熱。

煩燥不寧。

人參

當歸

酒浸

熟地

麥冬

去心各二錢

肉桂

四分

白芍

一錢酒炒

生地

八分

竹葉

十片

水煎服。

生化湯

見本卷生化湯論後

失笑散

見中卷胞衣不下門

麻瞽論

產後麻瞽皆因氣虛血少不能充溢乎週身也。即如人曲

肱而枕。稍久卽麻木。不爲我用。其非氣血不週遍之明徵歟。目得血而能視。得清氣之升而能用。血虛氣弱。不能升清。故濁不降而瞽。宜生血補氣。十全大補湯主之。至於去血過多。手足發麻。小腹大痛。則遍體麻暈欲死。此非惡露凝滯。乃虛中挾痰。六君子加炮薑、香附、當歸。曾治一婦。產後右半身麻瞽而昏暈。不省人事。發卽胸膈痞悶。下體重着。或時心神蕩搖。若無心肺之狀。頃則周身冷汗如漉。大吐痰涎而蕪。此產後經脉空虛。痰飲乘虛襲入之故。因與六君子加歸、著、肉桂。隨手而效。復有一婦。產後左半身麻

督昏暈。不省人事。發則周身大痛。筋脉癱瘓。肌肉瞤動。或時頭面赤熱。或時腿上振振動搖。頃則蒸蒸汗出而蘓。此產後營血大虧。虛風襲入之故。用十全大補湯治之。諸證悉平。但麻瞽不止。後與地黃飲子而安。

地黃飲子 治腎氣上交於心。舌瘖足痹。

熟地 三兩

巴戟天 酒浸去骨

附子 炮

山茱萸 去核

肉蓯蓉 酒浸去腐切焙

石斛

白茯苓

石菖蒲

遠志

甘草湯泡，去骨，取肉。

甜肉桂

麥冬

去心，各一兩。

五味子

五錢。

共爲粗末。每服五錢。生薑五片。大棗一枚。薄荷七葉。水煎。日二服。服無時。○方中桂附巴戟原爲驅逐濁陰痰涎而設。不可執已見而輕去之。

十全大補湯

見上卷胎不長養門

六君子湯

見上卷諸痛門

口乾渴兼小便不通或短少論

凡產後舌燥咽乾而渴兼小便不利。由產後亡血或汗多。

所致內亡津液也。夫日用水穀胃納而脾運肺散至精至清之氣爲津爲液清肅下行膀胱而爲小便其氣通心受火色化爲榮身之血值產亡血而又汗多加之產後氣虛不能爲胃行其津液則是化生之氣不運滲泄之令不行所以上無津液流通而有咽燥乾渴之證下氣不升而有小便不通雖通而亦短少之候勿作淋秘輕用滲利使氣益虛病益甚治法必當助脾益肺升舉氣血則氣化流行陰升陽降斯水入經而爲血爲津穀入胃而長氣行脉自然津液克而便利調勻矣初產生化湯多服數劑如汗多

亡津液。須加人參於內。使血生而津足。若無塊痛。六君子倍參耆。或服生津止渴益水飲。渴甚兼服參麥飲。如產後口乾少力。宜生津益液湯。有用四君子湯加車前一錢。桂心五分。若認咽乾口燥爲火。而用芩連枝栢以降之。認小便秘澁爲水滯。而用五苓等劑以通之。不特非其治法。更患愈通愈竭。變生他證矣。尊生云。小便不通。金匱腎氣丸可加減用之。予謂當用加味腎氣丸爲是。若兼口渴。用生津止渴益水飲。渴甚兼生脉飲。密齋云。如惡露不來。敗血閉澁水瀆。小便不通。其證則小腹脹滿刺痛。乍寒乍熱。煩

悶不寧。用加味五苓主之。予謂初產自當用生化湯。則瘀行便利矣。可無事乎。五苓也。如產過五七日而惡露亦自宜漸少而止矣。又何必事乎五苓也。况產後最禁發汗。利水。予焉敢輕產。而用五苓以竭其陰乎。世有治小便不通。用炒鹽加麝少許。填臍中。外用葱白十餘莖作一束。切如半指厚。置鹽麝上。將艾炙之。覺熱氣入腹。難忍方止。小便即通。此惟氣閉者宜之。若產後氣虛源涸。與夫熱結膀胱者。皆不可用。

生津止渴益水飲 治產後口渴小便不利。

胎產心法

卷下

和齋或渴兼外施

允

人參

生地

麥冬

去心各二錢

黃耆

一錢五分蜜炙

五味子

十粒

當歸

三錢酒浸

茯苓

八分

升麻

炙草

各四分

葛根

一錢

水煎服○如汗多加麻黃根

一錢

炒棗仁

一錢

浮小麥

一撮

○大便日久不通加酒洗菰蓉

一錢五分

○渴甚

用參麥飲代茶飲之不可疑而不用凡一切降火利便

藥斷不可用

生津益液湯 治產後口乾。少力。

人參 隨宜

麥冬 一錢二分去心

茯苓

瓜蒌根 各一錢

甘草 八分

小麥 一撮

竹葉 十片

棗二枚。水煎服。○如大渴。加蘆根。

加味五苓散 治產後惡露不行。小便不通。

猪苓

澤瀉

白朮 土炒

茯苓

桂心 各〇錢

菴仁 去皮尖

紅花 各二錢

水煎服。○此方予未敢用。姑錄之以備參考耳。

生化湯 見本卷生化湯論後

六君子湯 見上卷諸痛門

參麥飲 見本卷暈厥門

四君子湯 見上卷胎逆上逼門

加味腎氣丸 見上卷諸痛門附六味地黃湯下

泄瀉及完穀不化並遺尿論

產後泄瀉。不可與雜證同治。大率中氣虛弱。傳化失職。所致。氣虛。食積。與濕也。氣虛。宜補。食積。宜消。濕。宜燥之。然惡露未除。又難以驟補。峻消。急燥。當先用蓮子生化湯三劑。化舊生新。方中且有蓮子。茯苓。補脾。利水。兼治其瀉。候舊化新生。然後用健脾。利水。生化湯。或補氣。或消食。或化積。或燥濕。分利。因證加入對證之藥。始無滯澁虛虛之失。至產後旬日外。方可與雜證同論。然猶宜量人虛實而治也。如痛下清水。腹鳴。米飲不化者。以寒瀉溫之。如糞色黃。肛門痛。以熱瀉清之。如飲食過多傷脾。噯氣味如敗卵。以食。

積消之。如飲食減少。食下腹鳴。腹急。盡下所食之物。方覺暢快。以脾虛食積補而消之。丹溪云。如產後虛瀉。眼昏不識人。危證。用參苓朮附湯救之。又有胎前久瀉。產後不止。以致虛脫。須從權服參苓生化湯以扶虛。仍分塊痛。不痛。加減而治。凡瀉兼熱。切勿用芩連枝栢。兼痰。切勿用半夏。生薑。如瀉渴。參麥飲以回津液。如產後脾瀉不止。參苓連子。飲妙。夫完穀不化者。因產時勞倦傷脾。而轉輸稽遲也。夫水穀入胃。遊溢精氣。散歸於脾。脾氣散精。上歸於肺。而調通水道。乃能致氣滋臟以養人。今因產勞倦脾傷。以致

衝和之氣不能化而物完出焉。病名食泄。又飲食太過。脾胃受傷。亦致完穀不化。俗呼爲水穀痢也。然產方三日內。血塊未散。患此脾敗胃弱之證。未可遽加著朮。且服加味生化湯。內有益智砂仁。少溫其氣。俟塊消散。服參苓大補生化湯。如胃氣虛。瀉利黃色。用補中益氣湯。加木香治之。若久瀉痢虛者。參香散。如久瀉元氣下陷。大便不禁。肛門如脫。宜加味六君子湯。若見完穀不化。色白如糜。此脾胃大虛。元氣虛脫之候。十有九死。惟猛進溫補之劑。庶可挽回。卽有煩燥發熱面赤。脉來數大。皆虛火上炎之故。當並

進桂附人參甘草乾薑芩朮之類。伏龍肝煎湯代水煎服。仍得收功。若小便混濁如泔。或大便中有白沫如腸垢者。乃元氣下陷之故。並宜補中益氣。加桂、苓、炮薑升舉之。或瀉臭水不止。加蘄艾、香附、吳茱萸。若兼瘀結不通。腹脹喘急。雖神丹亦無濟也。如大便不知爲遺屎。補中益氣湯加肉蓯蓉故帑。

蓮子生化湯 治產後血塊未消泄瀉。

川芎

茯苓 各二錢

當歸

四錢 一方一錢 黃土炮薑 四分

杏仁 十枚去皮尖

炙草 五分

蓮肉 十枚去心

水煎服。○一方無桃仁。

健脾利水生化湯

川芎

當歸 黃土炒各一錢

白朮 二錢土炒

澤瀉 八分

乾薑 四分炮

陳皮

炙草 各五分

肉蓯 一枚煨

人參 三錢

茯苓 一錢五分

○一方無茯苓。○寒瀉。加砂仁 八分。炮乾薑 八分。○熱

瀉。加炒黃連 五分。○瀉水腹痛。米飲不化。加砂仁 六分。

山查、麥芽。○瀉。有酸噎臭氣。係食積。加神麴 八分。砂仁

八分。山查、麥芽。少食不安。瀉即覺安快者。亦以食積論。

○脾氣虛。久瀉。加升麻。○瀉水多。而腹不痛者。有濕。加

製蒼朮 一錢。以燥之。○諸瀉方中。須加蓮子十枚。

參苓朮附湯。丹溪治產後虛瀉。眼昏不識人。危證。

用此方救之。

人參 七錢

白朮 三錢土炒

茯苓

附子 製各一錢

水煎服。

參苓生化湯 治胎前久瀉。產後不止。

人參

當歸 各二錢

乾薑 炮

炙草 各五分

訶子皮

川芎

山藥 炒各一錢

肉苁 一個、麪裏煨、

茯苓 一錢五分

蓮子 七粒、

糯米 一大撮、

胎產心法

卷下

泄瀉並完穀不化方

七

水煎服。○虛甚。加人參 三四錢。○如七日內外。塊痛不

止。減參、肉蓯、訶子、以除痛。○血塊不痛。加土炒白木 二

錢。陳皮 三分。

參苓蓮子飲 治產後脾泄不止。并治年久不止脾

泄之證。

人參

白朮 土炒各二錢

白芍 八分炒

當歸 一錢五分

白茯苓

山藥 各一錢

升麻

陳皮 各三分

炙草 四分

蓮子 十二粒去心

薑二片。水三鍾煎服。取藥內蓮子送藥。○甚者腹疼。加

炒黑乾薑 五分。○虛甚。加人參 三四錢。

加味生化湯 治產後脾虛。三日內血塊未消。完穀

不化。胎前素弱者。非胃苓能治。此方主之。

川芎

益智仁

砂仁 各一錢

當歸 四錢土炒

炮薑 四分

炙草 五分

茯苓 一錢五分

薏仁 十粒去皮尖

水煎服。

參苓大補生化湯 治產後血塊痛止。可服此以補之。完穀自化矣。

人參

白朮

土炒各二錢

川芎

當歸

益智仁

白芍

炒

茯苓

各一錢

乾薑

四分炮

肉蓯蓉

一個麩煨

炙草

五分

蓮子

八枚去心

水煎服。○瀉而腹痛。加砂仁 八分。○瀉水多加澤瀉、木

通 各八分。渴。加去心麥冬、五味子。○寒。倍炮薑。加木香

分。○食積黃色。以神麴、麥芽、山楂、砂仁擇一二味加入。

參香散 治久瀉痢虛者。

人參

木香 各二錢

肉蔻

茯苓

扁豆

各四錢

陳皮

粟殼

各一錢

爲末。米飲下。

加味六君子湯 凡產後瀉久。胃氣虛弱。完穀不化。
宜溫助胃氣也。

人參

茯苓

半夏

製各一錢、

白朮

二錢土炒、

陳皮

炙草

各八分、

肉苁

一枚麪煨熟、去麪、

木香

三四分、

水煎服。

○一方有炙乾薑

四分。

參麥飲

見本卷暈厥門

補中益氣湯

見上卷諸痛門

痢滯論

凡雜證之痢。皆由暑濕之積邪。或挾食積所致。傷於氣分。則痢白。傷於血分。則痢赤。氣血俱傷。赤白兼下。至產後患此。則有不同。治法亦有異。蓋多由中氣虛而停積也。如產後七日內外。患赤白痢疾。後重頻併。最爲難治。欲調氣行血。而推盪痢邪。猶慮產後之元氣方虛。欲滋榮益氣。而大補產虛。又恐反助痢初之邪盛。其行不損。元補不助。邪惟生化。湯去乾薑。加以木香。茯苓。名香。苓。生。化。湯。爲善。以其能消惡露。兼行痢滯也。如痢在七日之外。可酌加芍。連。蓮。

朴等藥。如傷麪食穀食瀉痢。先服生化湯。加炒神麪。塊痛

止。服六君子。加麥芽一撮。或炒神麪一錢。如傷肉食瀉痢。

先服生化湯。加山查。砂仁。塊痛止。服六君子湯。加山查四

五枚。砂仁四分。炒神麪一錢。如半月外患赤痢後重。歸苓

連殼飲。如脾氣虛弱瀉痢。四肢浮腫。宜六君子湯。加木香、

肉菓麪煨。合五皮散。如瀉痢黃色。乃脾土正氣虛耳。宜補

中益氣湯。加木香四分。肉菓一枚。如胃氣虛弱瀉痢。完穀

不化。當溫助胃氣。及產後瀉痢日久後重者。並宜服加味

六君子湯。大凡產後赤痢。去血多。薑。砂。木。香。之類。不可多。

用熱則血愈行。倘血痢日久不止者。血虛也。宜四物湯加

荊芥、人參。或用人參

五錢。

香連丸

一錢。

同爲末下。凡諸證

兼嘔吐。皆宜加霍香

五分。

痰加製半夏

八分。

兼小便短澀。

引加燈心三十寸。且燈心利水而不傷陰。況產後津液已

虧。兼之瀉痢傷陰。復傷津液。小便理宜短少。故止用燈心。

足矣。不可用利水傷陰之藥也。如胎前下痢。產後不止。伏

龍肝湯丸治之。又有白頭翁加甘草阿膠湯。治產後痢不

止。○馮氏云。產後腹痛瀉痢。若非外因所傷。乃屬腎氣虧

損。陽虛不能生土。陰虛不能閉藏耳。必用四神、八味補腎。

倘誤投分利導水之劑。是益其虛。但瀉痢之證。非脾卽腎。如病在腎。所謂補脾不如補腎。如病在脾。自又補腎不如補脾也。圓機活法。在臨證定之耳。

香薷生化湯 治產後七日內患赤白痢。

川芎 二錢

當歸 五錢

炙草 五分

枵仁 十粒、去皮尖

茯苓 一錢

陳皮 四分

木香 一分

水煎服。○如紅痢腹痛。加砂仁 三分。○七日外。可加白

芍、黃連、炒蓮肉、製厚朴、各五分。

歸芍連殼飲 治產後半月外患赤痢後重。

川芎 一錢五分

當歸 三錢

白芍 酒炒

茯苓 各一錢

黃連 六分薑汁炒

枳殼 五分麸炒

甘草 四分

木香 三分

水煎服。

五皮散 治產後風濕傷脾。氣血凝滯。以致面目虛浮。四肢腫脹氣喘。

陳皮

桑皮

薑皮

茯苓皮

大腹皮

黑豆水製淨各一錢

水煎服。

香連丸

治下痢赤白膿血相雜裏急後重。

黃連

二十兩吳萸十兩同炒去吳萸

木香

四兩八錢不見火

醋糊丸。米飲下。○一方等分蜜丸。○一方加甘草

八兩

黃連用蜜水炒。蒸晒九次。入木香爲丸。

伏龍肝湯丸

治胎前下痢。產後不止。及元氣大虛。

瘀積小腹結痛。不勝攻擊者。

山查肉 一兩、炮黑、

黑糖 二兩、熬枯、

二味一半爲丸。一半爲末。用伏龍肝二兩煎湯代水煎。

前末二錢。送前丸二錢。日三夜二服。一晝夜令盡。○氣

虛。加人參二三錢。駕馭之。○虛熱。加炮薑、肉桂、茯苓、炙

甘草。○兼感風寒。加葱白、香豉。○膈氣不舒。磨沉香數

匙調服。

生化湯 見本卷生化湯論後

六君子湯

補中益氣湯 俱見上卷諸痛門

加味六君子湯 見本卷泄瀉門

四物湯 見上卷安胎門

白頭翁加甘草阿膠湯 見上卷痢門

四神丸 見上卷腹痛門

八味丸 見上卷諸痛門附六味地黃湯下

霍亂論

霍亂者。反覆不寧。而揮霍撩亂之謂也。邪干於上則吐。邪干於下則瀉。邪注中焦。不能容受。或冷熱不調。邪正相搏。

則上吐下瀉。此邪字雖有寒濕及水土氣令。或乍寒乍熱。外邪之浸。然因於飲食停滯。或傷過飽食。不能化而致者。十之六七。常人尙多如此。而況產後血去氣損。脾胃愈虛。飲食易傷。風冷易乘。一旦不及運化。或稍失調理。則陰陽升降不順。清濁亂於腸胃。卽有心腹絞痛。手足逆冷。吐瀉交作。霍亂之證矣。如塊痛未除。宜服生化六和湯。塊痛已除。宜溫中散。無塊痛而手足厥冷者。宜附子散。密齋用加味理中湯。治產後霍亂。若用於塊痛已除之後。亦可。

生化六和湯 治產後塊痛未除。氣血虛損。傷食。感

寒而霍亂吐瀉。

川芎 二錢

當歸 四錢

茯苓 一錢

砂仁 六分

乾薑

陳皮

藿香

炙草 各四分

薑一片。水煎服。

溫中散

人參 隨宜

白朮 一錢五分土炒

當歸 二錢

厚朴 八分薑製

乾薑 四分

茯苓 一錢

草豆蔻 六分

薑一片。水煎服。

附子散 治產後無塊痛。霍亂吐瀉。手足厥冷。

人參

白朮 土炒各一錢

當歸 二錢

陳皮

丁香

乾薑 各四分

附子 五分製

爲末。用二錢。粥飲調下。

胎產心法

卷下 霍亂方

加味理中湯

人參隨宜

白朮一錢土炒

乾薑

陳皮各四分

藿香

厚朴薑製各八分

炙草二分

生薑五片。水煎溫服。

氣逆嘔吐不食論

人之胃腑。爲水穀之海。而水穀之精。化爲血氣。榮潤臟腑。產後勞傷臟腑寒邪易乘入於腸胃。則氣逆嘔吐而不食。

也。初產宜加減生化湯。七日外宜溫胃丁香散。如咳嗽嘔逆怔忡目眩。用石蓮散。秘書云。產後胃氣不和嘔吐不止。全不納穀。初產香砂生化湯。塊痛止。加味香砂生化湯。又云。當分二證。立三方。如七日內塊痛未除。當重塊安胃行血湯。佐以溫胃藥。如七日內曾服生化湯三四貼。血塊不痛。嘔不納穀。當服加減六和湯。又和中湯。此二方選用。如產後嘔止。或服三方。而胃和嘔止。痛止。但血氣不足。食少。宜補中和胃湯。馮氏倣立齋治法云。飲食過多。六君子加查、麴。兼勞役。補中湯。飲食停滯。人參養胃湯。脾胃氣虛。六

君子。胃氣虛寒。加炮薑、煨木香。寒水侮土。益黃散。肝木侮土。六君子。加升、柴。嘔吐泄瀉。手足俱冷。肚腹作痛。乃陽氣虛寒。急用附子理中湯。此內有命門火衰。不能生土而嘔吐。用八味丸一論。恐非救急之務。故摘出。密齋遵郭稽中治云。有敗血散於脾胃。脾受。則不能運化津液而成腹脹。胃受。則不能受水穀而生嘔逆。若以尋常治脹嘔之劑。則藥不對證。反增其病。用抵聖湯。若產後傷食。嘔吐脹滿。用六君子湯為主。加隨證藥治之。予謂馮氏偏於補氣。密齋用抵聖一論。泥於敗血。臨證者似宜斟酌。○一產婦朝吐。

痰。夜發熱。晝夜無寐。或用清痰降火。肌體日瘦。飲食日少。前證愈甚。蓋早間吐痰。脾氣虛也。夜間發熱。肝血虛也。晝夜無寐。脾血耗也。遂用六君子湯。加味逍遙散。加味歸脾湯。以次調理而痊。

加減生化湯 治產後嘔逆不食。

川芎 一錢

當歸 四錢

炮薑

砂仁 各四分

炙草 五分

薑一片。水煎服。

溫胃丁香散 治產後七日外患嘔逆不食。

人參 一錢、

當歸

白朮 土炒各二錢、

藿香

前胡

炮薑

丁香

陳皮

炙草 各四分、

薑一片。水煎服。

石蓮散 治產後咳嗽嘔逆怔忡目眩。

石蓮子 一兩五錢去殼、

茯苓 一兩、

丁香 五錢

共爲細末。米飲調送。每服三錢。

香砂生化湯 治產後塊痛未除。氣逆嘔吐。

當歸 四錢

川芎 一錢

製半夏 八分

枳仁 十粒、去皮尖

炙薑

藿香

砂仁 各四分

陳皮 三分

炙草 五分

生薑一片。水煎服。

胎產心法

卷下

氣逆嘔吐不食方

夏

加味香砂生化湯 治產後塊痛已除。嘔逆不止。

當歸 二錢

川芎

白朮 土炒、各一錢

製夏 八分

陳皮 三分

前胡

砂仁

藿香

炮薑 各四分

炙草 五分

生薑一片。水煎服。

安胃行血湯 治產後七日內。塊痛未除。嘔吐不止。

全不納穀。

人參

川芎 各一錢

當歸

四錢、酒洗

薤仁

十粒、去皮尖

砂仁

藿香

炙草

各四分

生薑一片。水煎服。○一方、無薤仁。○有汗、不可用薑。

加減六和湯 治產後七日內。曾服生化湯三四貼。

今血塊不痛。但嘔不止。不納穀。

人參

川芎

茯苓

各一錢

當歸

二錢

胎產心法

卷下

氣逆嘔吐不食方

真

山藥 一錢五分炒

藿香

陳皮 各三分

白豆蔻

炙草 各四分

薑一片。水煎服。○嘔止減豆蔻。○一方有炮薑 四分。

和中湯

人參

當歸

茯苓 各一錢

白朮 一錢五分土炒

扁豆 二錢

丁香

藿香

陳皮 各三分

炙草 四分

薑一片。水煎服。○嘔吐止。去丁香。○受寒。加吳萸一二分。

補中和胃湯 治產後嘔吐。服前三方。而胃和嘔止。

塊痛止。但氣血不足、食少者。

人參

白朮 土炒

當歸

扁豆 各二錢

茯苓 一錢

山藥 一錢五分

炮薑

陳皮

炙草

各四分

胎產心法

卷下

氣逆嘔吐不食方

夏

水煎服。

益黃散○治脾胃虛寒。水反來侮。以致嘔吐不食。或肚腹作痛。或大便不實。手足逆冷等證。

陳皮 一兩

青皮

訶子肉 煨

炙草 各五錢

丁香 二錢

右爲散。每服二三錢。水煎服。或黑糖調服一錢。○益黃不用補益中州。反用青皮二橘。辟除陳氣。其旨最微。此方原爲嬰兒久瀉連綿不已。乳食積滯於內。故需二皮。

專理肝脾宿蔭。卽兼訶子、以兜瀉下脫。丁香、以溫理中州。甘草、以和脾氣。深得瀉中寓補之法。非洞達斯義。難與言至治也。

抵聖湯 治產後敗血積於脾胃。腹脹、嘔逆。

人參

製夏

澤蘭

陳皮

赤芍

各二錢

炙草

一錢

火焙生薑三片。水煎服。○惡露過多者。去澤蘭、赤芍。倍加陳皮、生薑。予謂陳皮用二錢過當。用一錢足矣。

六君子湯

補中益氣湯

人參養胃湯

俱見上卷諸痛門

附子理中湯

見上卷瘧門附枳實理中湯下

呃逆論

卽吃忒又名咳逆

凡病呃逆者。乃逆氣使然。蓋此氣從胃中出。上衝噴門。吃忒而作聲也。有胃氣虛寒者。有中氣大虛。衝任之火直犯清道而上者。有飲水過多。水停而逆者。有大小便閉。下焦不通。其氣上逆者。有胃絕者。至於產後呃逆。乃胃虛氣寒。

證也。有云呃噫者。胃氣所生。宜加味理中湯主之。醫通云。產後氣血俱虛。風冷搏氣而逆上。乃胃氣虛寒之極。最爲惡候。理中加丁香。古方以丁香、豆蔻、伏龍肝爲末。用粳仁、吳萸煎湯調下一錢匙。如人行五里再服。未應急投參附。遲則不救。尊生治吃忒云。以可異事。或費思索事。出其不意扣之。令其思維立止。又立羌附湯以治之。馮氏云。如中氣大虛。下焦陰火上衝。而致呃逆者。當用桂附、乾薑之類。

加味理中湯

人參

白朮

土炒各一錢

乾柿蒂 二錢

丁香

炮薑 各五分

陳皮

炙草 各八分

水煎服。○有熱。去丁香。加竹茹 二錢。○如虛羸太甚。飲食減少。呃逆者。胃絕也。難治。

羌附湯

羌活 製附子

小茴香 各五分 木香

生薑 各二分五厘 食鹽 一捻

水煎。熱服。立愈。

理中湯 見上卷痢門

腹脹滿悶論

產後有因敗血入於脾胃。腹脹嘔吐者。已於嘔吐門中論之矣。然婦人因產。脾胃多虛。飲食最易停滯。而生脹悶。若產畢。隨服生化湯。消其舊瘀。而生其新血。瘀塊既消。便大補氣血。使脾胃健運。自無中虛脹滿之證。其產後大率因傷食。而誤用消導。因氣鬱。而誤專順散。或因多食冷物。而停滯惡露。或因血虛。大便燥結。誤下而愈脹。此蓋止知傷

食當消氣鬱當順惡露當攻便結當下不知消耗愈多胃氣大損滿悶益增氣不升降積鬱之久兼成膨脹若再專用攻消不死不休矣豈知消導佐於補劑內則脾強而所傷之食消氣散逐瘀佐於養血劑中則惡露自行而大便秘濡潤亦通再考之綱目內云飲食停於脾六君子湯加厚朴一錢若飲食傷於胃宜六君子湯以補之又云大凡停於脾莫妙節其飲食自愈爲善尊生亦用加減六君子湯治之秘書立有治脹方並養生化滯湯二方治產後脹證均未敢專於消導前人之慮產深矣醫通云胎前孕婦服

安胎藥過多。或正產半產後。經一兩月惡露未淨。此非敗血之比。宜導氣行血。若用止截。誤矣。又云。飽悶惡露不行。多因血逆。宜行瘀為主。如有塊上升。飽悶欲吐者。二陳湯加薑、桂、香附、炮查、蓬朮。塊不散。積久愈堅。琥珀黑龍丹。予謂審知飽悶。實因惡露不行所致。若初產。仍宜服生化湯。瘀去而飽悶自開。可無藉乎。二陳、炮查、蓬朮。恐產虛者難當耳。

治脹方 治產後腹脹。

人參 二錢、

白朮 土炒、

當歸 各三錢、

茯苓 一錢五分、

川芎 七分、

陳皮 四分、

甘草 三分、

水煎服。

養生化滯湯 治產後大便不通。誤服大黃等藥。致

成鼓脹。

人參

茯苓

川芎

白芍 炒各一錢、

當歸 四錢、

桃仁 十粒、去皮尖、

肉蓯蓉一錢五分、酒洗去泥 大腹皮五分、黑豆水製淨

陳皮四分 製香附

炙草各三分

水煎服。○如脹甚。再加人參二三錢。○常治誤用大黃多

者。服參歸至半觔以上。大便秘通。腫脹漸退。

加減六君子湯 治產後腹脹。

人參 白朮土炒

茯苓各一錢 陳皮六分

厚朴八分、製 砂仁

炮

薑

各四分

炙

草

五分

水煎服。

生化湯

見本卷生化湯論後

六君子湯

見上卷諸痛門

二陳湯

見上卷子煩門

琥珀黑龍丹

見中卷催生門

浮腫論

產後手足俱浮。皮膚間光瑩色潤。乃脾虛不能制水。腎虛不能行水也。宜大補爲主。補中利水湯治之。如因寒邪濕

氣傷表無汗而腫。前湯加薑皮、半夏、薤葉。或五皮散亦可。又有由敗血乘虛停積而循經流入四肢。留滯日久深腐。壞如水。故令面目四肢浮腫。乍寒乍熱。醫人不識。誤作水氣治之。多用導水。凡治水藥極能虛人。產後既虛。藥又虛之。是謂重虛。多致夭枉。如產畢隨服生化湯。化瘀生新。自無此敗血如水之證。今既失治。宜服小調經散。則血行腫消。密齋用調經湯。又加味五皮湯。使氣血流行。風濕消散。腫自消矣。若水氣係肺失降下之令。其人必發咳嗽。小便澀少。可立而辨也。如脚腫或肚腫。或成鼓腫。宜濟生腎氣丸。

馮氏云。產後浮腫。若寒水侮土。宜養脾肺。若氣虛浮腫。宜益脾胃。若水氣浮腫。宜補中湯。若兼喘咳。而脉沉細無力。此命門火衰。脾土虛寒也。八味丸主之。腹滿者。虛氣而非血也。補中湯送八味丸。一以升補。清陽。一以歛納。濁氣。升降既得。而脹滿自消矣。

補中利水湯 治產後七日外。消腫利水。

人參

白朮 土炒各二錢

茯苓

白芍 炒各一錢

木瓜 八分

陳皮 五分

紫蘓

木通

製蒼朮

大腹皮
黑豆水製淨

厚朴
薑汁製各四分

水煎服。○如壅滿。用製半夏、陳皮、製香附、監之。○虛。加
人參。○熱。加去心麥冬。炒黃芩。以清肺金。○大便不通。

加郁李仁、麻仁
各一錢

小調經散
治產後浮腫。因敗血者。

歸身
酒洗

赤芍

桂心
各一錢

沒藥

胎產心法

卷下

浮腫方

琥珀 各一分

麝香

細辛 各五厘

炙草 二分

爲末。每服五分。薑汁酒調下。

調經湯

歸身 酒洗

赤芍

丹皮

桂心

赤茯苓

陳皮

炙草 各一錢

細辛

炮薑 各五分

薑一片。水煎服。

加味五皮湯 治產後虛弱。腠理不密。調理失宜。外受風濕。面目浮腫。四肢腫者。

桑白皮

陳皮

茯苓皮

大腹皮 黑豆水製淨

生薑皮 各一錢

漢防已

枳殼 麸炒

豬苓 各八分

炙草 五分

生薑引。水煎服。○此方重在外。受風濕四字。故用此滲

利之劑。

五皮散

見本卷痢滯門

生化湯

見本卷生化湯論後

濟生腎氣丸

見上卷諸痛門附六味地黃湯下

補中益氣湯

見上卷諸痛門

八味地黃丸

見上卷諸痛門附六味地黃湯下

咳嗽論

產後七日內外。感風寒咳嗽。鼻塞聲重。惡寒者。只服生化湯自愈。內有芎藭散其邪也。或於生化湯中加杏仁、桔梗。

有痰。加天花粉。又有加味生化湯。並皆治之。總不用麻黃。動汗。卽嗽而脇痛。亦不用柴胡。伐肝因其內虛耳。醫通用桔梗湯。加葱白。香豉。生薑。或用小健中湯。且又能治風木乘脾而嗽。至於產後久嗽。宜加味甘桔湯主之。尊生用桑貝芎歸清肺湯。治產後咳嗽甚效。馮氏並綱目書云。產後咳嗽。悉屬胃氣不足。胃爲五臟之本。胃氣一虛。五臟失所。百病生焉。雖謂肺主皮毛。腠理不密所致。不知肺屬辛金。生於巳土。亦因土虛不能生金。所以腠理不密。外邪易感。其陰火上炎者。宜壯土以生金。滋水以制火。若不補虛。見

證治標則誤矣。按壯土生金。異功散也。滋水制火。地黃丸也。故醫通治產後虛嗽。有用異功散。去朮。加山藥。細辛。桂枝之方。陰虛感客邪。六味丸。去萸。加桂枝。細辛。陰虛水不制火而嗽。六味丸。加麥冬。五味。等方也。然又有乾嗽。內熱。桔梗湯。加萎蕤。麥冬。丹皮。蜜煎薑橘之類。蓋乾嗽一證。有小兒食乳易治。無則成勞。產後食鹽醯太早者難治。須待再產月內。切記運用。更宜少用。方可望愈。密齋云。產後多因惡露上攻。流入肺經。乃成咳嗽。其證胸膈脹悶。宜服二母湯。按二母性涼。豈能治惡露上攻。人參補氣。又何能療。

惡露流入肺經之嗽。雖立齋將杏仁、杏仁加倍以瀉肺導痰。然予終不敢妄於用也。若果痰入肺經。卽衝肺證矣。當不止於發嗽胸脹已耳。

加味生化湯 治產後感風寒咳嗽。鼻塞聲重。

當歸 二錢五分

川芎 一錢

杏仁 十粒。去皮尖

炮薑

桔梗

炙草 各四分

知母 八分。酒炒

薑一片。水煎服。○有痰。加天花粉。○虛弱。有汗。嗽。加人

參一錢。○予謂此方有知母、花粉並用。須產久無塊痛。

方可用之。

桔梗湯即甘桔湯治風熱。肺氣不清嗽。

桔梗

甘草各三錢

水煎服。

加味甘桔湯 治產後嗽久不止。涕唾稠粘。

甘草

桔梗

款冬花

貝母去心

前胡

枳殼麸炒

白茯苓

五味子碎

麥冬

去心、各等分

淡竹葉十五片。水煎服。

桑貝芎歸清肺湯 治產後咳嗽。

前胡

紫苑

貝母

去心

桑白皮

茯苓

當歸

川芎

乾葛

紫蘓

各一錢

胎產心法

卷下

咳嗽方

厚

水煎服。

異攻散 治肺胃氣虛。稀痰喘嗽。

人參

白朮 土炒

茯苓

各一錢

陳皮

去白

炙草

各六分

爲散。每服三四錢。生薑煎湯調服。

二母湯 治產後惡露上攻。流入肺經咳嗽不已。

人參

貝母 去心

茯苓

知母 各一錢

桃仁 去皮尖

杏仁 去皮尖各二錢

水煎食後服。

生化湯 見本卷生化湯論後

小建中湯 見本卷脫汗亡陽門附黃耆建中湯下

六味地黃丸 見上卷諸痛門附六味地黃湯下

淋證論

產後淋證。此亦血去陰虛生內熱也。蓋腎爲至陰。主行水道。去血過多。正陰虧損。故生內熱。小便成淋而澀痛。是以熱客於脬。虛則頻數。熱則澀痛也。氣血兼熱。血入胞中。則

血隨小便而爲血淋。但小便淋瀝。却與不通當分別而治。不通者。屬氣虛淋。屬內熱澁痛。故密齋治淋。用知柏導赤散。調益元散治之。馮氏云。血虛熱鬱。當用六味丸。逍遙散。補陰養血。滋其化源。佐以導血藥可也。醫通云。膀胱陰虛。而小便淋瀝。生料六味合生脉散。大劑煎成。隔湯頓熱。續續進之。以滋化源。或補中益氣湯。兼服六味地黃丸。更有收生不謹。以致損胞而得淋瀝者。應用峻補。宜參朮湯。或用參朮膏。煎以猪羊胞湯。極飢時飲之。令氣血驟長。不過月餘。其胞可完。○丹溪曾治一婦。診其脉虛甚。用參朮爲

君。芎、歸、爲臣。桃仁、陳皮、茯苓爲佐。煎以猪羊胞湯服之。一月而愈。又有茅根湯。並加味茅根湯。濟陰加味四物湯。俱治淋方也。附錄以備擇用。

知栢導赤散

生地

赤芍

木通

麥冬去心

黃栢

知母炒

桂心

甘草生各一錢

燈心四十寸。水煎調益元散二錢服。

孟元散 一名天水散 一名六一散 治暑月小水不利。

滑石 六兩、水飛、 甘草 炙六錢、生四錢、

為散。清水調服。○老人、虛人、及病後傷津、小便不利、禁用。○加水飛辰砂 一錢、 名辰砂六一散。治暑月驚悸多汗、小便瀉痛。

參朮湯 治婦人生產、穩婆誤用手指搯胞損破、以致小便不禁。

人參 二錢五分、 白朮 二錢、土炒、

黃蓍 一錢五分、蜜炙、 陳皮 去白、

桃仁 去皮尖

茯苓 各一錢

炙草 五分

先用豬胞或羊胞一個洗淨水二盞煮至一盞去胞入藥煎七分食前服多劑乃佳。

茅根湯 治赤白沙石諸淋。

茅根 一兩 滑石 一錢煨

甘草 五分 紫貝 一個煨

石首魚腦沙 一個焙乾研爲末 闕字薑 一塊 一方用二個煨

燈心三十寸煎入魚頭末空心溫服。

胎產心法 卷下 淋證方

加減茅根湯 治產後淋。小便痛。及血淋等證。

白茅根

一兩、

瞿麥

車前

冬葵子

通草

各一錢

鯉魚齒

一百個爲末、

水煎。入魚齒末。空心溫服。

濟陰加味四物湯 諸淋皆屬於熱。用此累效。

當歸

川芎

赤芍

生地

杜牛膝

木通

甘草稍

各一錢

桃仁

五個、去皮尖

滑石

一錢五分

木香

二分

水煎服。

六味地黃丸

見上卷諸痛門附六味地黃湯下

補中益氣湯

見上卷諸痛門

逍遙散

見上卷胎逆上逼門

生脉散

見本卷暈厥門

參朮膏

見本卷類瘧及寒熱往來門

小便數及遺尿不禁論

胎產心法

卷下

小便數遺尿不禁論

三

凡人下焦如瀆。所以主瀦洩也。產後氣血虛脫。溝瀆決裂。瀦蓄不固。水泉不止。故數而遺而不禁耳。治法下者舉之。脫者澁之。宜用升陽調元湯。合桑螵蛸散主之。醫通云。產後小便數。乃氣虛不能制水。補中益氣加車前茯苓遺尿。不知補中益氣湯。然有腎氣不固者。宜六味丸加益智。若因膀胱氣虛小便頻數。當補脾肺。補中益氣加山萸山藥。為主。佐以人參螵蛸散。如係虛寒以致數遺。益心湯最妙。馮氏云。小便不禁。若脾腎虛弱。補中湯送還少丹。若脾腎虛寒。用八味丸四神丸佐之。然世有新產之婦。廷孔未歛。

故。溺。出。不。知。此。恒。有。之。至。六。七。朝。自。止。不。必。治。也。又。有。臨。產。損。破。尿。胞。遺。尿。者。已。於。前。淋。證。門。中。論。治。矣。

升陽調元湯 治產後小便數及遺尿不禁。

人參

益智仁

黃耆

蜜炙各一錢五分

升麻

炙草

各一錢

薑棗煎調桑螵蛸散服。○原方藥通用一錢五分。予謂升麻炙草宜減。故各錄用一錢。

桑螵蛸散

胎產心法

卷下

小便數遺尿不禁方

百三

正桑螵蛸炒

白龍骨煨

牡蠣各等分取左顧者煨

爲細末。每服調服三錢。

人參螵蛸散 治產後陽氣虛弱。小便頻數。及遺尿。

桑螵蛸二三十個炒

人參二兩

黃耆三兩蜜炙

鹿茸酥炙

牡蠣煨

赤石脂煨

厚朴薑汁製各二兩

右爲末。每服二錢。空心粥飲調下。○外臺方無厚朴。石

脂。有甘草、生薑。

益心湯 治產後小便數。及遺尿。

益智仁 二十七粒、

爲細末。每服二錢。米飲調服。

還少丹 治脾腎虛寒。血氣羸乏。不思飲食。發熱盜汗等證。

熟地 二兩、 山藥

牛膝 酒浸、各一兩五錢、 山萸肉

茯苓 乳拌、 杜仲 薑汁炒斷絲、

遠志

製、去心、取淨肉、

五味子

炒

楮實子

酒蒸、

小茴香

炒

巴戟天

酒浸、去骨、

肉蓯蓉

酒浸、洗去泥甲、各一兩、

石菖蒲

五錢、

棗肉加蜜爲丸。每服三四錢。白湯、淡鹽湯、俱可送下。

補中益氣湯

見上卷諸痛門

六味丸

八味丸

俱見上卷諸痛門附六味地黃湯下

四神丸

見本卷腹痛門

蓐勞骨蒸論

產後去血勞傷。再加之調養失宜。所生者少。脾肺氣弱。不能運其精微。致令骨蒸勞熱。若富貴之家。雖有美食及藥力以調養。必有他事不如意而怒動肝火。耗傷其方生之血。亦能致飲食減少。虛羸體倦。況新產之婦。原屬血虛。所生之血無幾。一經傷耗。則陰血更虛焉。得不成內熱骨蒸也。卽蓐藎之人。不特無美食藥力滋生氣血。更兼自乳其子。則方生之血。豈能驟足。倘本質瘦弱。又焉得而不陰虛內熱以成骨蒸也。卽或本體壯盛。常見生育數胎。自爲乳

哺。則面顏多有老過年歲者。卽此而驗。概可知矣。是以產後易成蓐勞之證。故治產後虛弱。用參歸湯。作寒熱。白茯苓散。虛證雜見。成蓐勞者。驚甲湯。無疾覺虛。十全大補湯。又當歸羊肉湯。有治產後骨蒸。先服清骨散。後服保正湯。又有加味大造丸。亦能治骨蒸勞熱。醫通云。產後蓐勞。因產不順。疲極筋力。憂心勞慮。或產後將養失宜。致令虛羸喘乏。寒熱如瘧。百節煩痛。頭疼。自汗。肢體倦怠。咳嗽。痰逆。腹中絞刺。當扶正爲主。六君子。加當歸。若脾肺氣虛。咳嗽口乾。異功散。加麥冬。五味。氣虛頭暈。補中益氣。倍用歸。著。

肝經血虛。肢體作痛。四物加參、苓、朮、桂。肝腎虛弱。自汗、盜汗。往來寒熱。六味丸加五味子。脾虛血弱腹痛。月經不調。歸脾湯。倍木香。血虛有熱。增損柴胡湯。骨蒸勞熱。咳嗽有紅者。異功散去朮。加山藥、丹皮、五味、阿膠、童便。熱而無痰。乾欬。逍遙散。用蜜煎薑、橘。蜜蒸白朮。產後虛損。不時寒熱。或經一二載。元神不復。月事不轉。先與千金當歸芍藥湯。後與烏骨雞丸調補。大抵此證多因脾胃虛弱。飲食減少。以致疲憊而成。當補脾胃。進飲食。則諸臟有所倚賴。病自愈矣。

參歸湯 治產後虛弱。

人參

當歸 酒浸、各二錢、

豬腎一個、

糯米

葱白

水煎服。

白茯苓散 治產後羸勞。頭目肢體疼痛。寒熱如瘧。

人參

當歸

熟地

川芎

白芍 炒

黃耆 蜜炙

桂心 各五分

茯苓 一錢

猪腎 一個

薑棗引水煎服。

驚甲湯 治產後虛證雜見成羣勞。

黃蓍 蜜炙

驚甲 炙各一錢

牛膝 七分酒蒸

人參

茯苓

當歸

白芍 炒

桑寄生

麥冬 去心

熟地

胎產心法

卷下

羣勞骨蒸方

夏

杏仁 去皮尖

桂心

炙草 各五分

續斷 三錢酒製取淨肉

猪腎煮汁作水。加薑棗引煎服。

當歸羊肉湯 治產後無疾覺虛。

當歸 五兩 黃耆 四兩蜜炙

生薑 六兩

肥羊肉 一觔 煮取汁煎藥分四服。

清骨散 治骨蒸勞熱男女皆可用。

柴胡

前胡

胡黃連

烏梅 各八分

猪骨髓 一段

韭白 十根

水煎成。入猪胆汁少許服。○一方將藥爲末。猪髓一錢。

猪胆汁 一個。韭白同搗爲丸。菴豆大。每服三四十九開。

水食後送下。

保正湯

人參

茯苓

白朮 土炒如咳嗽用蜜蒸

麥冬 去心

白芍 炒

枸杞

胎產心法

卷下

羣勞骨蒸方

頁六

生地

熟地

知母

炒各一錢

黃耆

蜜炙

川芎

地骨皮

各八分

當歸

天冬

去心各二錢

五味子

十粒

黃栢

六分炒

炙草

四分

棗二枚。水煎服。亦可作丸服。○一方天冬只用一錢。無

麥冬。

加味大造丸 治骨蒸勞熱。如服保正湯。不須服此。

人參

當歸

酒浸

山藥

黃栢

炒

枸杞子

各一兩

麥冬

去心

石斛

各八錢

生地

二兩

柴胡

六錢

胡黃連

五錢

紫河車

一具水洗淨白酒蒸

另將麥冬地黃先搗如泥。紫河車蒸熟。亦另搗。後入諸藥於河車麥冬地黃內。同搗爲丸。如焙乾河車爲末。則煉蜜爲丸亦可。

胎產心法

卷下

葶勞骨蒸方

百无

增損柴胡湯 治少陽血虛寒熱不止。

人參

川芎

芍藥

炙草 各一錢

柴胡

製半夏 各二錢

陳皮 八分

薑五片。大棗四枚。水煎服。

千金當歸芍藥湯 治產後煩滿不安。

人參

芍藥 炒

麥冬 去心

乾地黄 各一錢

當歸 一錢五分

桂心 四分

粳米 一撮。生薑 三片。去核大棗三枚。水煎服。

烏骨鷄丸 治婦人鬱結不舒。蒸熱咳嗽。月事不調。或久閉不行。或倒經血溢於上。或產後蓐勞。或崩淋不止。及帶下赤白。白淫諸證。兼療男子斲喪太早。勞嗽吐紅。或虛損者。

烏骨鷄 一隻。取白絲毛者方可用。男用雌。女用雄。揀嫩長者。溺倒。泡去毛。竹刀剖脇出肫肝。去穢。畱內金。並去腸姼。仍入腹內。

熟地 四兩。如血熱。加生地黃二兩。北五味 一兩。碎。

胎產心法

卷下

蓐勞骨蒸方

芎

上二味。入鷄腹內。用陳酒、或酒娘。童便、各二碗。水數碗。於砂鍋內。旋煮。旋添。糜爛汁盡。

棉黃蓍

三兩。去皮。蜜酒拌炙。於

木

三兩。飯上蒸九次。

白茯苓

去皮淨。

歸身

酒洗。

白芍

酒炒。各二兩。

右五味。預爲粗末。同鷄肉搗爛。焙乾。骨用酥炙。共爲細末。入下項藥。

人參

三兩。虛甚。加至六兩。

川芎

一兩。童便浸。切晒。

牡丹皮

二兩。酒浸。勿炒。

右三味。各爲細末。和前藥中。另用乾山藥末六兩。打糊。衆手丸。或晒乾。勿令餽。磁磧收貯。清晨人參湯。或沸湯送下三錢。卧時醇酒再服二錢。大便實者。煉白蜜爲丸亦可。○骨蒸。加炙九肋鱉甲三兩。銀柴胡。地骨皮。各一兩五錢。○經閉。加肉桂一兩。○崩漏下血。倍熟地。加正阿膠二兩。○倒經血溢。加去心麥冬二兩。○鬱結痞悶。加童便製香附二兩。沉香五錢。○赤白帶下。加正川草薢二兩。四製香附二兩。蘄艾一兩。○白淫。倍用參。蒼朮。○按烏骨鷄丸。諸藥皆尋常而無奇處。治調經最驗。

蓋鷄屬巽。補肝。猶妙在烏骨益腎。變巽歸坎。甲癸同源。兼滋衝任也。

十全大補湯

見上卷胎不長養門

異功散

見本卷咳嗽門

六君子湯

補中益氣湯

俱見上卷諸痛門

六味地黃丸

見上卷諸痛門附六味地黃湯下

四物湯

見上卷安胎門

歸脾湯

見上卷胞漏小產門

逍遙散

見上卷胎逆上逼門

吐衄及口鼻黑氣起而衄並舌黑論

產後吐血諸書皆稱難治。以其上下脫也。醫通云。產後鼻衄。乃氣血逆行所致。用紫蘚飲入童便。荊芥灰治之。良方以荊芥焙爲末。童便服二錢。與醫通意同。又尊生治產後鼻血不止。用犀角生地赤芍合二味參蘚飲。如口鼻黑氣起而衄者。難治。蓋五臟之華皆上注於面。凡色紅赤者。陽熱之生氣也。青黑者。陰寒之絕氣也。況口鼻爲陽明多血。多氣之經。而見陰寒慘殺之氣。則胃中陽和之氣衰敗。可

知矣。復至鼻衄。則陽亡。陰走也。胃絕。肺敗。陰陽兩亡。故不可治。但有禳厭一法。或可望生。急取緋線一條。並產婦頂心髮兩條。緊繫中指節上。卽止。無藥可治。立齋云。急用三味參蘓飲治之。亦有得生者。如前證再兼舌紫黑者。爲血先死。不治。蓋心主血。少陰氣絕。則血不上。廕耳。汪石山治一婦。產後血逆上行。鼻衄。口乾。心燥。舌黑。因瘀血上升。遂用益母丸二丸。童便化下。鼻衄漸止。血漸通。○此條當與三衝門參看。

三味參蘓飲 治產後瘀血入肺。咳嗽喘急。若口鼻

黑氣起。急用此藥。亦有可望得生者。

人參 一兩

蘇木 二兩

製附子 五錢

右作一劑。水煎服。

紫蘇飲 見上卷安胎門

二味參蘇飲 見本卷三衝門

大小便血論

產後尿血。小腹痛者。乃敗血流入膀胱。小腹不痛。但溺時
澀痛者。乃內熱也。並用小蓐湯主之。尊生用加味腎氣去

胎產心法

卷下

起而及口鼻黑氣
起而及口鼻黑氣

頁三

桂附。加生地、髮灰治之。至於大便便血。或因飲食起居失宜。或因六淫七情過極。致元氣虧損。陰絡受傷也。四君子、加生地、升麻、歸身、白芍、髮灰治之。

小薊湯

小薊根

生地

赤芍

木通

蒲黃

淡竹葉

甘草梢

生各一錢

滑石

二錢

燈心四十九寸。水煎服。○敗血加歸尾、紅花各一錢。○

兼內熱。加黃芩、去心麥冬。各一錢。

加味腎氣湯

見上卷諸痛門附六味湯下照九方減分兩作湯劑煎服

四君子湯

見上卷胎逆上通門

月水不通論

產後月水不通者。不必藥也。婦人衝任之脉。為經絡之海。皆起胞內。手太陽、手少陰、二經上為乳汁。下為月水。若產後去血過多。常有月水不通。若乳子者。半歲一歲之內。月經不行。此猶常候。若半歲左右便行。是必少壯血盛之人。若產後一二年。月經不通。無他疾苦。亦不必服通經之藥。

蓋因勞傷榮衛衝任脉虛氣血衰少耳。但服健脾胃及滋補氣血之藥。自然通行。若強通之。是猶握苗者也。

癰疽論

新產半月左右。忽發癰腫於四肢胸腹者。是敗血不盡。流滯經絡。或氣血虛弱。榮氣不從。逆於肉理也。如敗血瘀滯者。則焮腫赤痛。而脉弦洪有力。當補血行血之中。佐以導瘀疎氣爲主。如氣血虛弱。榮澁衛逆者。則平塌散漫。而脉虛微無力。當大補氣血爲主。如十全八珍之屬。以固本元。扶胃氣。氣壯血和。其毒自解。若以毒治。而用清涼解毒。勢

必不膿不潰。變成壞證矣。

乳少無乳並乳汁自出論

產婦衝任血旺。脾胃氣壯。則乳足而濃。乃生化之源。旺也。如無他證。但少乳。是氣血滯。用行氣下乳湯。若脾胃氣弱。飲食少進。衝任素虧。其人面必黃色。則乳少而薄。所乳之子。亦怯弱而多病。務服滋養氣血兼通利之劑。宜十全大補湯。加紅花五分。或四物湯。加茯苓、花粉、甘草。王不留行、麥冬、漏蘆、穿山甲、通草、猪蹄汁煎服。如既服通利之藥。亦無大效。仍然乳少。係此婦氣血虧甚。津液短少。何以爲乳。

須另覓乳母可耳。至於選乳母之法。擇其人肥瘦適中。無病經調善食者佳。太肥則多痰。太瘦則多火。兒飲其乳亦復如是。且人乳原無定性。隨飲食性氣而變。故飲食之調攝乳母。又不可不慎也。但凡乳汁。須要驗其濃白光彩。入盞中。上面瑩然如玉爲上。黃色清薄爲下。不可使之哺兒也。至於產後乳汁不行。身體壯熱。頭目昏痛。或乳下發熱身痛。玉露散主之。世有產婦氣血旺而壅滯不行者。法當疏而通之。生化湯加木香、青皮、白芷、花粉、穿山甲煎服。又有用麥冬、瓜蒌仁、天花粉、人參、葵子、猪胰、木通、漏蘆、猪蹄

之類。養食而乳行矣。再考全書內。治肥盛婦人。痰氣壅結。乳汁不行。用漏蘆湯利之。至於血氣虛。而燥澁阻滯不行者。宜十全八珍之類。補其虛而自行。全書內有猪蹄湯二方。治氣血不足。乳汁不行。如脾虛。飲食少無乳。宜香砂四君子湯。若乳將至而未得通暢者。宜猪蹄羹。湧泉散。若夫乳汁自出者。乃陽明胃氣不固。亦宜八珍。或十全補之。若陽明血熱而溢者。宜保陰煎。或四君子。加枝子。若肝經怒火上衝。乳脹而溢者。宜加減一陰煎。若乳多脹滿而溢者。不必服藥。宜溫帛熨而散之。若未產而乳自出。謂之乳泣。

生子多不育。若產婦勞役乳汁湧下。此陽氣虛而厥也。獨參湯主之。

行氣下乳湯 治產婦氣血滯。無他證。但少乳。

生地

當歸

川芎

各一錢

白朮

土炒

茯苓

各六分

製香附

陳皮

紅花

各五分

穿山甲

三片炒

木香

二分

水、酒各半煎服。

玉露散 治乳汁不行。身體壯熱。頭目暈痛。屬虛者。

人參

茯苓

當歸

白芍炒

桔梗各一錢

川芎

柴胡

炙草各六分

水煎服。○準繩及全書俱無柴胡。有白芷一錢。參、苓、歸、草、各五分。炒白芍七分。桔梗、川芎各一錢。

漏蘆湯 治產婦肥盛。脉氣壅結。乳少。

漏蘆一兩

蛇退一條

土瓜根

共爲末。酒調下二錢。○此方峻厲。不宜用。錄之以脩系考耳。

猪蹄湯 治產婦氣血不足。乳汁不下。

用八珍湯料。加炙黃耆、漏蘆、陳皮、木通。先用猪蹄一付。煮汁二碗。煎藥服之。○或加天花粉。

又方

川芎 一兩

通草 二兩

甘草 一錢

川山甲 十四片、炒

用猪蹄一副。洗切。入水六碗。同藥煎至三碗。加葱薑鹽料。取汁飲之。助其氣血。乳汁自下。夏月不可失蓋。時用葱湯洗乳爲佳。忌生冷食物。

香砂四君子湯 治產婦脾虛。食少無乳。

人參

白朮

土炒

茯苓

麥冬

去心各八分

當歸

一錢

陳皮

製香附

砂仁

紅花

炙草

各四分

胎產心法

卷下

乳砂煎法

頁

水煎服。

通草猪蹄羹

猪蹄一隻、

通草四兩、

水煮去一半。飲湯。兼服湧泉散卽通。

湧泉散

王不留行

瞿麥

麥冬

龍骨煨

穿山甲炒、各等分、

右爲末。每服一錢。熱酒調下。飲猪蹄羹少許。以油木梳

在兩乳上梳二三十梳。日二服。俱如前梳法。即通。○一方無穿山甲。用猪蹄汁一碗。酒一杯。煎服。以木梳於乳上照前法梳之。

加減一陰煎 治水虧火勝。

生地

白芍 炒

麥冬

去心各二錢

熟地

三五錢

知母

炒

地骨皮

各一錢

炙草

五七分

水煎服。

胎產心法

卷下

乳少無乳

夏

獨參湯 治產後乳汁湧下。

人參 隨證多少用之。

水煎濃湯。作茶飲。

十全大補湯 見上卷胎不長養門

四物湯 見上卷安胎門

生化湯 見本卷生化湯論後

八珍湯 見上卷諸痛門

保陰煎 見本卷惡露不止門

四君子湯 見上卷胎逆上逼門

妒乳吹乳乳癰論

產後妒乳。因無子食乳。蓄結作脹。或婦人血氣方盛。乳房作脹。以致腫痛。增寒發熱。若不以手捏去乳汁。及令人吮通之。必致成癰。四物湯調炒麥芽二兩煎服立消。予謂麥芽過多傷胃。若用三錢亦足矣。又婦人乳頭生小淺熱瘡。搗之黃汁出。亦爲妒乳。以槲樹皮煎洗。或天麻草煎洗。至於吹乳之證。有內吹外吹。上逆下順之異。總屬胆胃二經熱毒氣血凝滯。內吹者胎熱也。外吹者因兒食乳爲口氣所吹也。俱令乳汁不通。壅結腫痛。不急治之多成癰腫。速

服瓜萋散。外以南星末。溫湯調敷。更以手揉散之。勢甚者。惟連翹金貝煎最妙。正宗用橘葉散。治內外吹乳。醫通云。吹乳初起。作寒熱。卽服加味逍遙散。加瓜萋霜散之。尊生治慣吹乳。用清肝解鬱湯。又立治吹乳三方。分別初起身熱。結腫施治。至於乳癰。一證。卽吹乳不散。久積成癰。又云。輕爲妒乳。重爲乳癰。亦胆胃二腑熱毒氣血壅滯而成。勢甚有餘者。宜先以連翹金貝煎治之。甚妙。如初起腫痛。肉色焮赤。或發寒熱。或增寒。頭痛。煩渴引飲。尙未成癰時。於人參敗毒散。加味逍遙散。神效。瓜萋散。選擇治之。腫自消。

散。若至數日。膿成潰。竅稠。膿湧出。膿盡自愈。予治吹乳。結乳。乳癰等證。立消毒飲二方。外用槐艾洗法。通治乳證。效過多人。又瓜萸貝母飲亦效。並附於各方之後。若產婦氣血虛弱。患此等證。而誤用敗毒。久不收斂。膿清脉大。則難治。醫通云。膿清脉大。非大劑開鬱理氣。溫補氣血。不能收功也。

瓜萸散 治吹乳腫痛。

瓜萸 一個打碎。

乳香 二錢。

用酒煎服。○外用南星末。溫湯調塗。

胎產心法

卷下

如乳吹乳乳癰方

五

連翹金貝煎 治陽牙癰毒。或在臟腑肺膈胸乳之間者。此方最佳。甚者連用數服。無有不愈。

金銀花

土貝母 去心

蒲公英

夏枯草 各三錢

紅藤

七八錢

連翹

一兩或五七錢去心

用好酒二碗煎一碗服。服後煖卧片時。○不能飲者酒水各半煎之。○火盛煩渴乳腫者加天花粉。○若陽毒內熱或在頭項之間者水煎亦可。

橘葉散

治婦人有孕胎熱為內吹。有兒食乳為外

吹致乳結成腫痛。寒熱交作。甚者嘔惡並治之。

柴胡

陳皮

川芎

山梔炒

青皮

石膏煨

黃芩炒

連翹去心

甘草各一錢

橘葉二十片

水二鍾。煎八分。食遠服。渣再煎服。

清肝解鬱湯 治慣吹乳。

熟地

茯苓

白芍炒

貝母去心

枝子炒

當歸各一錢

柴胡

丹皮

川芎

陳皮各六分

甘草五分

水煎服。○虛加人參、白朮。

曾生治吹乳初起一。

當歸

貝母去心

白芷稍各一錢

花粉八分

製香附

瓜蒌仁

甘草節

各六分

青皮

乳香

沒藥

各五分

穿山甲

一錢炒

川芎

四分

水酒煎二服。

曾生治吹乳身熱二。

羌活

獨活

前胡

柴胡

枳殼

炒

桔梗

貝母 去心

白芷

青皮

當歸

穿山甲 炒各等分

水煎服。

曾生治吹乳已結腫三。

陳皮

牛旁子

山梔 炒

忍冬

甘草

瓜蒌

黃芩

花粉

連翹

去心

皂角刺

各一錢

柴胡

青皮

各五分

煎服。○內熱加石膏。○予謂皂角刺不宜用一錢。用四五分足矣。

人參敗毒散

又名敗毒散

治四時傷寒、瘟疫、憎寒壯

熱、風濕、風眩、項強、身體疼痛、嶺南烟障之地、疫癘時行、或卑濕脚氣、痿弱等證。

人參

茯苓

枳殼

炒

川芎

月 卷八
羌活

獨活

前胡

柴胡

桔梗

甘草 各等分

水一鍾半。薑三片。煎服。或爲細末。沸湯點服。

神效瓜蒌散 治乳癰。及一切癰疽初起。腫痛卽消。

膿成卽潰。膿出卽愈。治癰之方甚多。獨此方神效。

療癰瘡毒猶效。凡一切癰疽餘毒。皆宜用之。

瓜蒌 一個研爛

當歸 酒洗

生粉草 各五錢

乳香

沒藥 各一錢、曾生乳、沒、各二錢五分。

右用酒煎服。良久再服。如不能飲。以酒水各半煎之。如數劑不效。宜以補氣血之藥兼服之。○若肝經血虛。結核不消。佐以四物。柴胡、升麻、白朮、茯苓。○若肝脾氣血虛弱。佐以四君。芍歸、柴胡、升麻。○若憂鬱傷脾。氣血虧損。佐以歸脾湯。

消毒飲 專治乳房。或乳頂黑暈之內。腫毒未破。發熱惡寒。瘡處。或痛。或不痛。或麻木。服之即消。

蒲公英

紫花地丁 各一錢二分。

當歸

酒洗

白芍

醋炒

赤芍

丹皮

地骨皮

天花粉

各一錢

陳皮

八分

生草

三分

燈心五十寸。水三鍾。煎一鍾。食後服。仍以槐艾水不時洗之。

定痛消毒飲 治乳頂傍。或乳房。吹乳成癰。並乳結。

之證。發熱惡寒。冷汗自出。勢欲破而疼痛難忍。服之。卽出膿痛定。

蒲公英

紫花地丁 各一錢二分

當歸

乳房用身、乳頂用尾、白芍 醋炒

赤芍

花粉

浙貝母

去心、研、各一錢、皂角刺 七分或五分

柴胡

稍用八分、或一錢、乳頂腫結用之、若乳房易白芷、牡丹皮

廣皮

各八分、明乳香

沒藥

各五分、生草 三分

紅棗二枚、去核、燈心五十寸、水三鍾、煎八分、臨服加無

灰酒小半酒杯、入藥滾數滾服之、不時用槐艾水洗。

胎產心法

卷下

妒乳吹乳乳癰方 夏

槐艾洗法 治產婦乳上結核乳癰。

槐條

艾葉 不拘多少。

連鬚葱一條。將槐艾用水同煎煮。入醋少許。頻頻洗之。若乳頂傍生瘡膿出。洗淨。與兒吮之。隨以松蘿茶葉末滲上。

瓜萼貝母飲 治乳房結核焮腫。

瓜萼實

土貝母 去心。

甘草節 各三錢。

煎服效。已潰。加忍冬一兩佳。

四物湯

見上卷安胎門

加味逍遙散

見上卷胎逆上逼門附逍遙散下

乳巖論

婦人乳巖一證。原非產後之病。但乳巖乳癰。皆瘡生乳房。治此證者。混同施治。誤世不小。不得不分別論明也。其乳癰起於吹乳之一時。非同乳巖由氣血虧損於數載。始因婦女或不得意於翁姑夫婿。或諸事憂慮鬱遏。致肝脾二臟久鬱而成。初起小核。結於乳內。肉色如故。如圍棋子。大不痛不癢。十數年後。方成瘡患。爛見肺腑。不可治矣。故初

起之時。其人內熱夜熱。五心煩熱。肢體倦瘦。月經不調。宜早爲治療。益氣養榮湯。加味逍遙散。多服漸散。氣虛必大劑人參。專心久服。其核漸消。若服攻堅解毒傷其正氣。必致潰敗。多有數年不潰者最危。潰則不治。周季芝云。乳癖乳巖。結韃未潰。以活鮑魚同生山藥搗爛。入麝香少許。塗塊上。覺癢極。勿搔動。隔衣輕輕揉之。七日一塗。旋塗漸消。若荏苒歲月。以致潰腐。漸大類巖。色赤出水。深洞臭穢。用歸脾湯等藥。可延歲月。若誤用攻伐。危殆迫矣。曾見一婦乳房結核如杯數年。諸治不效。因血崩後。日服人參兩許。

月餘。參盡二觔。乳核霍然。此證有月經者。尙輕。如五六十歲。無經者。不可輕易看也。

益氣養榮湯 治療癰結核流注。一切鬱熱毒氣。

人參

白朮 土炒

茯苓 各一錢

當歸 二錢

川芎

白芍 酒炒各八分

熟地 二三錢

黃耆 蜜炙一錢五分

桔梗 一錢或八分

貝母 去心一錢二分

香附 七八分

橘皮

胎產心法

卷下

乳巖方

乳懸論附方頁

炙草 各五分

生薑引水煎服。

加味逍遙散

見上卷胎逆上逼門附逍遙散下

歸脾湯

見上卷胞漏小產門

乳懸論

附方

產後瘀血上攻。忽兩乳伸長。細小如腸。直過小腹。痛不可忍。名曰乳懸。乃危證也。速用川芎、當歸各一觔。水煎濃湯。不時溫服。再用二觔。逐旋燒烟。安在病人面前棹子下。令病人屈身低頭。將口鼻及病乳常吸烟氣。如未甚縮。再用

一料。則瘀血消。而乳頭自復矣。若更不復舊。用草麻子搗爛。貼頂上片時。收卽洗去。

前陰諸證論

產門不閉。如無腫痛。或腫旣消而不閉者。此氣血虛。不能收攝。以十全大補湯服數貼。再用補中益氣湯加五味子治之。或以補中益氣湯加製半夏、茯苓以健脾。使元氣復而諸疾自愈。或以硫黃湯外洗。又歛官方。治子宮不歛甚效。

產後陰戶脫下。乃元氣不足。及陰挺突出。腫痛。清水淋漓。

者。用八珍湯。加炙黃耆、防風、升麻。各五分。即收。或用補中

益氣。加醋炒白芍一錢。五味子十粒。或易酒炒白芍一錢。

肉桂五分。補而舉之亦可。兼以硫黃散外治之。又有熨陰

洗陰法。錄後備用。

產門腫痛。因臟中風冷者。當歸湯洗之。

產後陰挺。陰菌。諸蟲痛癢。蓋因婦人七情鬱火。傷損肝脾。

濕熱下注。故有陰中舒出如蛇。俗呼陰挺。有翻突如餅。俗

呼陰菌。亦有如鷄冠。如鼠乳。亦有生諸蟲。腫痛濕癢。潰爛

出水。脹悶脫墜者。其內證口乾。內熱。體熱。飲食無味。晡熱

發熱。胸膈不利。小腹痞脹。赤白帶下。小水淋瀝。其治法。如
氣虛。十全大補。加五味子。倍參桂。補而斂之。初產腫脹痛。
而熱者。宜加味道遙散。或逍遙散加荊芥。牡丹皮。如產久。
則於雜證同治法。用四物湯。加柴胡。山枝。丹皮。胆草。濕癢。
者。歸脾湯。加山枝。柴胡。丹皮。淋瀝者。龍胆瀉肝湯。加白木。
丹皮。潰腐者。加味道遙散。腫悶脫墜者。補中益氣。加山枝。
丹皮。以上諸證。均可佐以外治之法。如硫黃湯。熨陰。洗陰。
諸方。選而用之。

產後子腸不收。宜用收腸方收之。神應丹。收腸甚捷。

胎產心法

卷下

可陰諸證論

臯

產後陰戶中生小瘡。形如痈子。名曰隱瘡。或痛癢如蟲行狀。膿汁淋漓。用療蝕方。椒湯。肉汁。金銀散。殺蟲硫黃散。等
方選用。

硫黃湯 治產後玉門開而不閉。及陰戶突出。

硫黃 三錢

吳茱萸

兔絲子 各二錢

蛇床子 一錢五分

右研勻。水一碗。煎湯頻洗自收。

歛官方 治子宮不歛。

荆芥

藿香

椿根白皮

煎湯薰洗神效。

硫黃散 治產後陽氣虛寒。玉門不開。

硫黃

烏賊骨 各五錢

五味子 一錢

右爲末。摻患處。日三易。

熨陰洗陰法 治陰腫、陰痛、陰脫。

用蛇床子不拘多少。炒極熱。以絹袋盛。或布裏。熨患處。○

又法。用蛇床子 五兩。 烏梅 十四個。 煎水。日洗五六次。

胎產心法

卷下 前陰諸證方

夏

當歸湯 治產後臟中風冷。陰腫痛。

當歸

獨活

白芷

地榆

礬石

敗醬

煎水適寒煖洗陰。自愈。○千金不用敗醬。

三旦瀉肝湯 治肝經濕熱。腋脇滿痛。小便赤澀。

芍藥

澤瀉 各一錢五分

車前

木通

當歸稍

草龍胆 各八分

生地 二錢

生薑 三片

水煎。食遠熱服。更以美膳壓之。○此本導赤散加柴胡、

胆草之屬。入肝以瀉濕熱也。

枳殼

訶子

五倍子

白礬

煎湯熏洗。若不收。再炙頂心百會穴數壯。卽上。

又收腸方

凡遇生腸不收。以鐵秀水潤腸上。用堪輿家正磁石 一錢。

研末。酒服。腸卽收矣。

千金療蝕方 治慝瘡。

川芎

當歸

芍藥

地榆

甘草

各等分

一升。煮至二升。去渣。熱熏溫洗。日三夜一。卽愈。

椒湯治法 治陰中小碎瘡。如癩子。痒不可當。

胡椒

二十一粒

煎湯洗之自愈。

肉汁治法 治陰戶內瘡。

用猪肉十觔。水煮。取肉汁一半。浸瘡。冷。再頓熱浸之。不過兩次。即愈。

殺陰戶內瘡蟲。

蒲黃 一升、

水銀 一兩、

二味研勻細末。用以搽瘡。即愈。○此方不可輕用。

殺蟲硫黃散 治瘡蟲蝕下部五臟。

硫黃研爲細末。取東南桃樹枝五七枝。輕打頭使散。以綿纏粘末。令少厚。又截一竹筒。先內下部中。仍以所撚藥桃

枝。燒着薰之。

十全大補湯 見上卷胎不長養門

補中益氣湯

八珍湯 俱見上卷諸痛門

加味逍遙散 見上卷胎逆上逼門附逍遙散下

主效 見上卷胎逆上逼門

四物湯 見上卷安胎門

歸脾湯 見上卷胎漏小產門

神應丹 見中卷催生門